

海錄碎事

聖賢人事部

卷七
之八

善書

海錄碎事卷第七上

善書

善書

宋 泉州太守葉廷珪集著

明 河南僉憲劉鳳校刻 孫鴻英應同校

聖賢人事部上

聖賢門 炳靈附

龍工往

瞽叟使舜浚井二女曰去汝衣裳龍工往又使塗廩二

女曰鵲汝衣裳烏工往鵲錯也 列女傳

先天太后

先天太后老子母也有李母墳

素丞相

論衡曰孔子不王素王之業在於春秋桓君山素丞相

之迹存於新論者也君山名譚者書言當世事二十九篇云

鳥喙牛脣

後漢書注伏羲牛首女媧蛇軀臯陶鳥喙孔子牛脣

珠衡犀角

顏淵山庭日角曾子珠衡犀角

秋伯冬伯

臯陶為秋伯垂為冬伯聖賢羣輔錄

麗山氏

遁甲開山記云麗山氏分布元氣

噓風雨

帝王五運曆年記曰盤古之君龍首蛇身噓為風雨吹

為電雷

閉目為夜

又盤古左目為日右目為月開目為晝閉目為夜

璇宮夜織

少昊母曰皇娥處璇宮夜織帝之子降其室作歌曰驅

光逐景窮水域璇宮夜靜當軒織拾遺記

三漏耳

帝王世紀堯眉八綵禹耳三漏諸集拾遺

東明公

西明公

夏啓為東明公文王為西明公召公奭為南明公季札為北明公四明公主領四方鬼

典柄侯

北帝用顧和為執蓋郎范明廷補典柄侯

執蓋郎 見上

大禁晨

大禁晨如今尚書令漢光武孫文臺為之中禁晨如今之中書令顏懷楊彪為之

太山君

荀顛為太山君

耕夫讓畔

執耜歷山耕夫讓畔施罾漁澤漁父讓川 温子昇舜廟碑

伊尹酒保

伊尹酒保立為世師 鵠冠子

尼甫

逮諸尼甫稽諸陰陽云行夏之時後王所不易以仲尼為尼甫未知所出

九皇

比德於九皇注上古有人皇者九人

四肘

湯以乙日生故名履字天乙臂有四肘

帝魁

帝魁神農名 南都賦

鱗身蛇軀

伏羲鱗身女媧蛇軀 靈光殿賦

孔席不煖

孔席不煖墨突不黔 班固荅賓戲

夏后兩龍

夏后兩龍載驅璿臺之上穆王八駿如舞瑤水之陰山海經大樂之野夏后啓於此舞九代馬乘兩龍

栢皇栗陸

栢皇栗陸以前為而不有應而不求上古帝王也

太阿

周賴尚父殷憑太阿謂伊尹也

熊豹臨戲

翊善反伊昔帝唐九官咸事熊豹臨戲納言是司仲熊叔豹高辛氏才子也太臨禱戲高陽氏才子也 沈休文表

山死

禹勤其官而水死稷勤百穀而山死

歲星

東方朔死上問王母使者對曰朔是木帝精為歲星下遊人中觀天下非陛下臣也 漢武故事

電繞斗樞

電光繞北斗樞附寶感而生軒轅

星流華渚

大星如虹下流華渚女節感而生白帝

星貫月

顓頊母女樞有星貫月感而生顓頊

龍顏

春秋元命包曰女登生子人面龍顏始為天子

吞玄鳥卵

狄簡吞生黎為商之始女脩吞生大業秦之先也

英星

英星垂將校神岳誕忠良

黃河清

運命論云黃河清而聖人生里社鳴而聖人出易乾鑿度曰聖人受命瑞應先見於河河水先青青變白白變赤變黑黑變黃各三日

里社鳴

春秋潛潭已曰里社鳴此里有聖人出其响百姓歸天辟云宋均曰里社之君鳴則教令行响聖人之怒者聖

人怒則天辟亡矣湯放桀蓋此祥明鳴通用

嶽吐符

峨峨崇嶽吐符降神陳太丘銘言生賢也

玉筐

選是開金運祚始玉筐注有娥氏女取玉筐以覆燕少選遺卵而去有娥氏女取而吞之於是生契

父子門教子愛子附

私敬

楊立感與父素俱為柱國朝會則齊列隋文帝命立感降一等謝曰不意陛下寵臣之甚許以公庭展私敬

分子

彭萊與諸葛亮云從布衣之中擢為國士盜切茂才分

子之厚誰復過此注云言分兒子厚恩施之於已也

阿多

迴鵲謂父曰阿多出唐會要

在三之節見師校門

君家尊

謝安問獻之曰君書何如君家尊答曰故當不同

七業

晉劉歆字長盛有子七人各授一經一門之內七業俱成

左酒右漿

北堂書鈔云子弟職曰左酒右漿

昭穆

決疑要錄曰父南面故曰昭明也子北面故曰穆順也

晉以文帝名昭故讀曰韶後人因而不改

介子

介子次子也

石上葛

李賀詩子孫綿如石上葛

世及

父子相繼曰世兄弟相傳曰及

優龍劣虎

南齊王僧虔戒子書曰王氏門中優者如龍劣者如虎

豹

得父膏腴

南齊世祖問當今誰能為五言詩儉對曰謝朓得父膏腴謝莊子

靖恭楊

楊汝士父子並為公卿居靜恭里號靖恭楊家

舐犢之愛

楊彪子脩為曹操所殺公後見彪曰何瘦之甚曰愧無日禪先見之明猶懷老牛舐犢之愛曹操為之改容本傳

五龍

汝南周燕少卿之五子號曰五龍並以儒素為業

公沙五龍

公沙穆之五子並有令名號公沙五龍

食以銅盤

魏楊愔字遵彥少時其父於竹林中置別館處之食以銅盤以別於諸子

風氣日上

王平子與人書稱其兒風氣日上足散人懷澄之第四子微別傳云微邁上有父風

鳳毛

王邵字敬倫風姿似父桓公望之曰大奴固自有鳳毛

百果宗

張敷小名穠父邵小名梨宋文帝嘗戲之曰穠何如梨敷曰梨是百果之宗穠何敢比也

清白

阮孝緒十餘歲隨父為湘州行事不書官紙以成親之清白

家母

陳思稱其父為家父稱其母曰家母侯霸子孫稱其祖曰家公潘尼稱祖曰家祖顏氏家訓

魯公拜後

帝王世紀成王親政以周公為太師封伯禽于魯父子並命周公拜於前魯公拜於後

積習名教

柳公綽之子仲郢有父風牛僧孺曰非積習名教何以致此

爪髮為信

劉休賓妻及子文畢俱入魏嘗通使文畢哭泣以爪髮為信休賓執爪髮而泣

龍文

裴宣明二子景鸞景鴻並有逸才河東呼景鸞為驥子景鴻為龍文

子姓

竇嬰已為大將軍方盛田蚡為諸曹郎未貴往來侍酒嬰所跪起如子姓

親父為虎

語曰雖有親父安知不為虎雖有親兄安知不為狼西漢韓安國傳

惡子

尹賞修治長安獄為虎穴捕少年惡子以次內虎穴中覆以大石數日盡死注不承父母教命者

蘇夔無父

蘇威子夔楊素甚奇之每戲威曰楊素無兒蘇夔無父

門子

嫡子代父當門戶也 補亡詩注

克父祈薪

克父祈薪名紹堂構 孔璋檄

橋者父道

伯禽康叔朝於成王見于周公三見而三筮之二子有駭色乃問於商子曰吾二子見於周公三見而三筮何也商子曰南山之陽有木名橋南山之陰有木名梓二

子何不往觀也於是二子往觀之見橋木高而仰見梓木實而俯二子還告商子商子曰橋者父道也梓者子道也

祖孫門

鼻祖

始祖也山谷詩鼻祖以來傳父兄

大父

婁敬說高帝以長公主妻冒頓曰冒頓死則外孫為單于豈聞外孫敢與大父抗禮者哉 本傳

大小鄭君 見刺史門

一不為少 見敏慧門

頰似

謝公謂殷顛曰阿巢故頰似鎮西阿巢殷頭小字鎮西其外祖也

公才公望

王儉作宰相賓客盈門見其孫陳年數歲而風神聳拔曰公才公望復在此乎

諸孫之龍

王慧龍幼聰慧其祖愉以為諸孫之龍故以名之

南祖

李氏世居栢仁後李義南徙故累世謂之南祖

耳孫

耳孫曾孫也言去其曾高益遠但耳聞之

末孫

雖有禹湯之德不能訓末孫之桀紂

大母

李太后梁平王之大母也注祖母也

離孫

序訓云晉江韓滉乃余五代祖之離孫兄弟十人皆我出必是外孫也

擲鏡鐺

齊高帝令左右拔白鬣林王年五歲戲牀前帝問之曰兒言我誰即曰太翁帝笑謂左右曰豈有為人作曾祖而拔白髮者乎

母子門

堂室

感物戀堂室離思一何深堂謂母室謂妻陸士衡詩

母師

曾九子之寡母穆公賜號母師列女傳

倚門望

王孫賈年十五母曰汝朝出晚來倚門望暮出未歸倚

廬望

帶圍

列女傳魏芒慈母前妻之子犯令當死母憂戚帶圍減尺

宣文母

見時號雜名門

絳紗幔

晉常逞母宋氏年八十餘隔絳紗幔授生負周官音義

民母

衛青少時民母之子皆奴畜之不以為兄弟數服虔曰

民母嫡母也

萬石嚴媪

見時號數稱門

一斫頭

高穎初為僕射其母誠之曰汝富貴已極但欠一斫頭

耳

板輿

大夫人乃御板輿升輕軒

潘岳賦

兄弟門

內外兄弟附

馬磨

許清與從弟劭俱知名而私情不協劭為郡功曹排擯

靖不得齒以馬磨自給

白眉

馬良字季常襄陽人兄弟五人並有才名鄉里為之諺曰馬氏五常白眉最良良眉中有白毛故稱之

分形同氣

曹子建與文帝兄弟故云

大弟

聊與大弟陳其苦懷耳

應休璉書

令弟

末路值令弟開言披心曾

靈運答惠連詩

連枝樹

况我連枝樹與子同一身言兄弟也

崑山

崑山陸機兄弟所生時人比之崑崗出玉故以名云

阿子

晉書吐谷渾慕容廆之兄也因爭馬而別鮮卑謂兄為

阿子廆追思之作阿子之歌

三筆六詩

劉孝綽兄弟相勗以學並工屬文孝綽嘗云三筆六詩

三即第三弟孝儀六即第六弟孝威

兩驥

劉正兄弟二人時號兩驥

何氏三高

見隱逸門

雙珠

孟昶與弟顛並美風姿時人謂之雙珠

不咸

咸和也左氏云弔二叔之不咸

外昆弟

唐人兩姨之子相謂為外昆弟

五王帳 見帳門

龍躍雲津

晉張華見褚陶謂陸機曰君兄弟龍躍雲津

小鴈

送小季之廬山云小鴈過廬峰影落楚水下 李賀

靖恭諸陽 見世家門

大小馮君 並見刺史門

大小東陽

大小秦君

唐書秦景通并弟暉皆精漢書號大小秦君

玉昆金友

南史琳子銓弟錫銓雖學不及錫而孝行齊焉時人以錫銓二玉可謂玉昆金友矣

文龍

北齊梁愔為從兄昱所重曰是兒我家文龍

兩鳳連飛

北齊崔陵與弟仲文同日受拜時云兩鳳連飛

二黃

黃穆為山陽太守有德政弟英守武陵貪穢無行武陵

人嘖曰天有冬夏人有一黃言不同也出襄陽耆舊傳

王氏三英

王氏三英玉潘兄弟

三列宿

唐帝叔諧與弟叔謙兄季武為郎中同時在省時號三

列宿帝溱傳

帝氏三君見時號數稱門

帝三義

帝號之有三子兄弟孝友號帝三義

蠟鳳

王僧虔年數歲與諸子戲僧達下地戲作虎僧虔獨正坐採蠟蠟為鳳父曇曰此子終為長者

花萼集

唐李人兄弟並有文才同一集共二十卷號花萼集

桃傷李什

樂府雜鳴篇言桃傷李什喻兄弟相為表裏

上留田行

舊說上留田地名此地人有不字其孤弟者隣人為作悲歌以諷

洛中雅雅

洛中雅雅有三嘏劉粹字純嘏先字終嘏漢字冲嘏是親兄弟

阿兄

張緒從弟融敬緒如親兄緒死賫酒於靈前慟哭曰阿

兄風流頓盡

腰帶減半

南史何點其兄求死點菜食不飲訖于三年衣帶減半

三陸

南史陸僚陸佐陸倕並有美名時人謂之三陸

同胞共氣

同胞共氣謂兄弟也

三虎

陸寬兄弟並有才品議者稱為三虎

錢尺帛

催孝備奉其兄弟芬盡恭順之禮一錢尺帛不入私房

有義有禮

房景伯兄弟友順鄉里為之語曰有義有禮房氏兄弟

同體同氣

同體同氣分憂均戚言父子兄弟如此

邀時投隙

賀板允昆弟並邀時投隙展効立功

昆弟語

淮南王安衡山王賜相責望禮節問不相能後過淮南

淮南王乃昆弟語除前隙約束反具注為相親愛之語

也

具爾

怨具爾之多喪詩云戚戚兄弟莫遠具爾 歎逝賦

自同匪他

自同匪他言如兄弟詩曰豈伊異人兄弟匪他

德星社

飽蓬蓬

淮南鴻列解敘一尺緇好童童一升粟飽蓬蓬兄弟二人不相客

叔姪門子弟附

還歸葱肆

梁呂僧珍其先以販葱為業及僧珍貴其兄子弃業求官不許曰汝等自有常分豈可妄求但當還歸葱肆耳

佳子弟

王羲之為從伯敦導所器敦嘗謂曰汝是吾家佳子弟當不減阮主簿阮裕也有重名

終身讓路

終身讓路不枉百步終身讓畔不失一段朱仁軌誨子弟之言

庭浩

顏延之平居無事為庭誥之文以訓子弟

當家寶

劉彥詢卒其叔豹傷惜以為喪當家之寶

膏梁兄弟

李冲曰未審上古以來置官列位為欲為膏梁兄弟為欲益政替機

露板引咎

子弟有坐宜令父兄露板引咎

人定鍾

柳公綽每日與子弟論文或講求蒞官治家之要至人定鍾始歸寢

諸下

李華與外孫崔氏書云予小時起居尊行三時侍食今者諸下日出高眠何嘗有此

宗親門

華宗

謝宣遠答靈運華宗誕吾秀之子紹前胤

內兄

陸厥韓卿有答內兄顧盼希叔詩

密親

總轡登長路嗚咽辭密親言近親也 陸士衡詩

三族

父母兄弟妻子也說者或謂父族母族妻族者非也漢誅英布而不及吳芮可知矣布芮婿

舅姑門 子婦附

大人公

比間風俗婦呼舅為大人公

先舅先姑

沒則曰先舅先姑 禮記

不傳

舅姑之衣衾簟席枕風不傳傳移也 禮記註

婦初來

家訓載俗諺云教婦初來教兒嬰孩

小婦

徐陵諸兄三千石小婦字羅敷

婚娶門

郁穆

郁穆舊婚姑婉新婚皆和美之稱 劉越石

昏時

白虎通云婚者謂昏時行禮

花燭夜

何遜看新昏詩何如花燭夜燭扇掩紅粧

靨星

褚亮詠花燭夜詩靨星臨夜燭眉月隱輕紗

三玄 見祿仕門

婚姻

後漢順帝紀注云妻父曰婚婿父曰姻

納采

納采擇於其族未知其長少為誰

序端

婚禮主人受幣於序端音訓曰廊首也

九子墨

通典鄭眾言婚禮有合歡鈴取音聲和諧九子墨取生

長子孫

牽絲為婚

張嘉貞有五女欲納郭元振為婿令五女各以一絲元

振從簾外牽之得第三女開元遺事

世婚

羊鄧是世婚言世世為婚姻也

遠求騏驥

馮素弗微時造南宮令成藻求婚藻命門者勿納素弗徑入與藻對坐旁若無人藻始奇之曰吾遠求騏驥不知近在東隣何識子之晚也

重親

呂后欲為重親以魯元公主女配惠帝為皇后

當梁年

俗以子午卯酉年謂之當梁年其年娶婦舅姑不相見唐禁之

不息燭

孔子曰言嫁女之家三夜不息燭娶婦之家三日不舉樂

擁面

女子出門必擁蔽其面擁猶障也

奉醮

妾昔初奉醮歸於賀氏

嘉姻

名予以國士眷予以嘉姻懷舊賦

作嬪

作嬪君子室顏延年

鶴為媒

望瑤臺之偃蹇見有娥之佚女吾令鶴為媒兮鶴告余

以不好騷經

伉合

交二族之和卞伉合之義沈休文彈奏

門素

因宜本其門素不相奪倫言婚姻也上

結襦

女嫁母為結其襦帶也沈休文彈文結襦以行

覓婚

見托為息鸞覓婚上

王滿連姻

王滿連姻實駭物聽潘揚之睦有異於此上

施衿結帨

儀禮女嫁母施衿結帨帨巾也

連昏

王鳳連昏楊彫注連昏者婚家之婚親也王商傳

風聞

沈休文彈王源云風聞東海王源嫁女與富陽滿氏漢書尉佗曰風聞老夫父母墓已壞削賈逵曰風采也采聽商旅之言也

簿閱

卽索璋之簿閱沈休文彈文

夫婦門

鶴望

諸葛亮曰去者束薪以待期妻子鶴望而計日

同懷子

顧彥先贈婦感念同懷子即其婦也

堂室 見子母門

斜其被

黔婁先生卒覆以布被覆頭則足見覆足則頭見曾西
曰斜其被則歛矣妻曰斜之有餘不若正之不足先生
生而不斜死而斜之非先生之意 高士傳

買臣故妻

漢會稽太守治於吳買臣載其故妻到太守舍置園給
食之即今州宅之地

蛭蛭毡

晉稽含伉儷詩夏瑤比翼扇冬坐蛭蛭毡

鰥魚渴鳳

李義山鰥魚渴鳳真珠房

寡鵠羈

寡鵠迷蒼壑羈鳳怨翠梧

妬夫媚婦

王充論衡云妬夫媚婦生則忿怒聞訟媚是妬别名

公夫人

山濤妻韓氏有才識未仕時戲之曰忍寒我當作三公
不知卿堪為公夫人不耳

卿卿

王安豐婦卿安豐曰婦人卿婿於禮為不敬後勿復
爾婦曰親卿愛卿是以卿卿我不卿卿誰復卿卿

忌妻悍室

劉孝標曰吾與馮衍有三同敬通有忌妻至于自操杵曰余有悍室亦令家道軼軻

潘將軍

後漢楊大眼妻潘氏善騎射楊稱之爲潘將軍

比肩人

三異記吳都海鹽陸東美妻朱氏並有容止寸步不相離時人號比肩人後卒合葬處上生梓樹同根二身相抱而合成一樹孫權封其墓曰比肩墓後子弘與妻蘇氏亦相愛慕吳人又呼爲小比肩

傷春詞

呂文甫喪妻東坡爲作傷春詞

河魁在房

李戴仁與妻閻氏異室約曰有興則見一夕閻扣戶欲見戴仁取百忌曆燈下看之大驚曰今夜河魁在房豈可行事語小豎曰傳語縣君謝到荆南近事

眉撫

張敞爲婦畫眉長安中傳張京兆眉撫音撫言媚好也

輕嬌

張敞被輕嬌之名謂爲妻畫眉也古惰字

外婦

齊悼惠王肥其母高祖微時外婦也注謂與旁通者高

五王傳

細君

海錄碎事 卷七
歸遺細君何其廉也東方朔傳又細小也自比諸侯故謂其妻曰小君

愁水愁風

李白詩

那作商人婦愁水復愁風

兔絲花

君為女蘿草妾作兔絲花百丈託遠松纏綿成一家

李白詩

忝齊眉

我非東床人令姊忝齊眉

連根同死

願為連根同死之秋草不作飛空之落花

清路塵

君若清路塵妾如濁水泥

古詩

陌上歌

陌上桑出秦氏女也秦氏有女名羅敷為王仁妻仁為趙王家令王見羅敷美欲奪焉羅敷乃彈箏作陌上之歌以自明

羅敷豔歌

丁妻

誰家幼女敲筋歌何處丁妻點燈織

李德裕詩

共夕香

同瓊珮之晨照共金爐之夕香

江淹別賦

姊妹門

姊妹

長婦謂稚婦為姊妹姊妹謂長婦為姊

爾雅

先後

長陵女子以乳死見神於先後宛若注產乳而死也先蘇見反後胡構反古謂之娣姒今關中俗呼為先後吳楚俗呼為妯娌 西漢

鍾郝禮法

晉王渾妻鍾氏字琰弟湛妻郝氏皆有德行琰雖門高與郝氏相親重郝不以賤下琰不以貴陵郝時人稱鍾夫人之禮郝夫人之法

嫂叔門

食糠覈

陳平為人長大美色人或謂平貧何食而肥其嫂疾平之不親家生產曰亦食糠覈耳

不冠不入

馬援敬事寡嫂不冠不入廬 任彥升彈文

叔郎

叔郎小郎也 見上

為別

世說阮籍嫂嘗還家籍見之為別或訊之籍曰禮豈為我設耶

丘嫂

高祖過其丘嫂食注大嫂也 史記作巨

解圍

晉王凝妻謝氏道韞獻之與客談議詞理將屈道韞遣婢白獻之曰欲與小郎解圍

姻戚門

親家公

北史李渾傳隋文帝曰吾京社幾傾賴親家公而獲全

戚聞

宋太子妃哀冊飛芳戚聞

四姻九戚

四姻九戚方走誓來賀不幸以其月卒夫人魏氏墓銘
韓公遺文

葶末

敢因葶末有志庠均王僧孺為蕭利監求入學啓

葶葶親

今群臣非有葶葶之親注葶蘆也葶者其筭巾白皮至

薄者也葶葶喻附著之意

連昏 見婚娶門

天姻

衛霍天姻金張世族 陸龜蒙苔賦

奉嬪高族

伊女子之有行爰奉嬪於高族

情話

悅親戚之情話 陶淵明賦

潘楊之睦

潘楊之睦有自來矣 潘安仁誄

甥舅門 外家附

似舅

桓玄曰何無忌劉牢之外甥酷似其舅今舉大事何謂無成晉本傳

驅使草木

見賓客門

當歸阿士

見敏慧門

家舅

羽自鑿齒二舅相繼為襄陽都督習與弟書云每定省家舅

無對日下

陸果字明霞好學舅張融有高名果風韻舉止頗類時稱曰無對日下惟舅與甥

外家惡

呂氏以外家惡而幾危宗社

西漢

母家惡

大臣欲立淮南王以為少母家又惡

上

時似

桓豹奴是王丹陽外甥形似其舅桓甚諱之宣武云不恒相似時似耳恒似是形時似是神桓逾不悅

世說

牙後慧

殷浩云康伯未得我牙後慧康伯浩甥也甚愛之上

婦人門

賢美惡妬寡附

十二妹

九燭臺前十二妹主人留醉任歡娛

白樂天詩

半面妝

梁元帝徐妃無寵每知帝至必為半面妝以俟以帝眇

一目帝見大怒而出

蘭祕

柔中淵映芳猷蘭祕

顏延年詩

雅步

雅步擢纖腰巧笑發皓齒

陸士龍詩

此佳

上芳止防脂二反下許維反淮南子嫫母此佳說文云此佳醜面也

綺態

綺態隨顏變沈姿無定源

羅敷艷歌行

媵娟子

肆呈窈窕客路曜媵娟子皆美好兒

謝靈運詩

娥娥

盈盈樓上女皎皎當戶牖娥娥紅粉裝纖纖出素手

選

古詩

空牀

蕩子行不歸空牀獨難守上

雙題

微芳起兩袖輕汗染雙題額也言美人用力而然

謝惠

連詩

約素

肩若削成腰如約素

洛神賦

秀色可餐

陸機艷歌行云鮮膚一何潤秀色若可餐

衡薄

踐椒塗之郁烈步衡薄而流芳並上

微步

凌波微步羅襪生塵注言輕步於水波之上如塵生也

姱容脩態

姱容修態組澗房宋玉

靡顏膩理

靡顏膩理靡好也膩滑也上

秋草萎

過時而不來將隨秋草萎選古詩

未亡人

未亡人寡婦自稱也出左傳

楚娃

服虔通俗云南楚以美色為娃

掛玉釵

相如賦美人云玉釵掛臣冠羅袖拂臣衣

露鬢輔

晉傅玄歌云巧笑露鬢輔衆媚不可詳

蟬鬢

崔豹古今注云魏文帝宮人莫瓊樹始製為蟬鬢望之
縹眇如蟬翼然

頰蛾

劉孝綽詩送態表頰蛾廻羞出慢臉

挂纓

江總挂纓銀燭下莫笑玉釵長

慵來裝

趙婕妤好為卷髮號新興髻為薄眉號遠山黛施小朱
號慵來裝趙后外傳

遠山黛見上

溫柔鄉

趙婕妤名合德初進帝大悅以輔屬體合德無所不從
靡謂為溫柔鄉謂樊嫔曰吾老是鄉矣不能效武皇求
白雲鄉也上

體自香上

成帝私語人曰趙后雖有異香不若婕妤好體自香也

上

一搦

李百藥千金笑裏面一搦抱中腰

雙綺繻

路逢雙綺繻問君居遠近

兩鬟姝

張正見千金一巧笑百萬兩鬟姝

莫愁

河中之水歌云河中之水向東流洛陽兒女名莫愁莫
愁十三能織綺十四採桑南陌頭十五嫁作盧家婦十
六生兒似阿侯盧家蘭室桂為梁中有爵金蘇合香頭
上金釵十二行足下絲履玉文章珊瑚挂鏡爛生光平

頭奴子擎履箱人生富貴何所忘恨不早嫁東家王

金釵十二見上

一顧

中山孺子妾歌云一顧傾城

半額頰

蟬怯折腰步蛾驚半額頰

驚翠眉

古今注梁冀妻孫壽改驚翠眉為愁眉

香靨

曉奩妝秀靨夜帳減香筒李賀詩

香筒

梳碧鳳

陂陀梳碧鳳腰裏帶金蟲上

蛾黛

月分蛾黛破花合靨朱融上

蛾翠

含水彎蛾翠

蛾髻

二月詞薇帳逗煙生綠塵金翅蛾髻愁暮雲香風起舞

真珠裙上

彎環

李賀十月詞玉壺銀箭稍難傾缸花夜笑凝幽明珠帷
穩臥不成眠金鳳刺衣着體寒長眉對月闌彎環

寒鬢

寒鬢斜釵玉燕光高樓唱月敲懸璫上

楚腰衛鬢

市南曲陌元秋涼楚腰衛鬢四時芳上

巫雲蜀雨

離鸞別鳳煙梧中巫雲蜀雨遙相通上

闔雙綠

上客留斷纓殘蛾闔雙綠上

大橋小橋

吳志周瑜從孫策攻浣得橋公兩女皆有國色策自納

大橋瑜納小橋

行義桓釐

後漢劉長慶妻桓氏夫卒刑耳以自警表其門閭云行

義桓釐

花見羞

花見羞邠州餅家王氏子也有美色少賣梁故將為侍兒鄴卒唐明宗取之後為淑妃梁將劉鄩也

白頸鴨

白頸鴨五代陳州人婦人也為賊帥

武負

高祖從王緼武負貫酒注古語謂老母為負劉向列女傳云魏曲沃負者魏大夫如耳之母

婦人稱姬

師古云姬者本周之姓貴於諸國之女故婦人美號皆稱姬焉後因總謂眾妾為姬

顏如荼

房中歌顏如荼注菅茅也言美女顏貌如菅茅之柔也

美連娟

美連娟以修嫿兮注連娟纖弱也嫿美也音玄娟一全反

丈夫心

師古曰宋喜榮之妃有施氏女也美於色薄於德女子行丈夫心

青蛾眉

由來紫宮女共妬青蛾眉

李白

桃李年

韋蘇州自惜桃李年誤身遊俠子言閨婦也

桂葉眉

注口櫻桃小添眉桂葉濃

服藥下乳

賀喬妻于氏無子乞喬仲兒之子服藥下乳以乳之

嬌兒乳

宋少帝前溪曲云寧斷嬌兒乳不斷郎慙慙

妬鱗

梁張纘妬婦賦云忽有逆其妬鱗犯其忌制赴湯蹈火
瞑目攘袂

忌制 見上

啼妝

桓帝時京都婦女作愁眉啼妝愁眉者細而曲折啼妝

者薄拭目下若啼處後漢志

流睇

微眺流睇傾視也南都賦

連嫵

蛾眉連嫵上

嬌春

羅與綺兮嬌上春別賦

眉媵娟

眉媵娟以增繞目流涕而橫波又眉媚娟似蛾揚兮神女賦

姣姬

晰兮若姣姬揚袂障日而望所思姣音絞高唐賦

燁如花

須臾之間美貌橫生燁乎如花温乎如瑩神女賦

穠不短

穠不短纖不長

東家子

臣里美者莫如東家之子宋玉

眉如翠羽

眉如翠羽肌如白雪上

嫣然笑

嫣然一笑惑陽城迷下蔡宋玉神女賦

諸好備

茂矣美矣諸好備矣言神女也宋玉賦

流風迴雪

飄飄兮若流風之迴雪上

灼若芙蕖

灼若芙蕖出綠波宋王

穠纖得中

穠纖得中修短合度

明眸善睐

明眸善睐音賴

宜笑

離騷云鬢輔奇才宜笑鳴

儀靜體閒

儀靜體閒瓌姿艷溢上

綽態

柔情綽態媚於語言洛神賦

骨像應圖

言應圖畫也上

珥瑤碧

珥瑤碧之華琚音居士

璀璨上

披羅衣之璀璨上

霧縠裾

曳霧縠之輕裾上

拾翠

或采明珠或拾翠羽上

玉肌

玉肌無軫五銖輕 北里志詩

微情效愛

無微情以效愛獻江南之明璫 洛神賦

明璫 見上

懷春粲

皎皎彼妹子的的懷春粲言如春華之美 陸士龍詩

理清曲

被服羅裳衣當戶理清曲 選古詩

簪玉鳴金

簪玉出北房鳴金步南階 謝惠連詩

嫉蛾眉

衆女嫉余之蛾眉 楚詞

蛾眉曼睩

蛾眉曼睩目騰光音祿視貌 上

目曾波

嬉光眇視目曾波 上

翠翰眉

陸機艷歌行云美目揚春澤蛾眉象翠翰

澹小蛾

李白柳枝詞佳人微醉玉顏醜笑倚妝樓澹小蛾

玉纖纖

温庭筠偶題畫明金冉冉箏語玉纖纖

王春藻

昔爲王春藻今作秋蓮房 陶淵明

妬玉人 見后妃門

致拳拳

古樂府有定情篇言婦人不能以禮從人而自相悅媚
乃解衣服玩好致之用叙綢繆之志若臂環致拳拳指
環致殷懃耳珠致區區香囊致扣扣條悅致契濶佩玉
結恩情而期於山陰山陽山西山北終以不荅乃以傷
悔焉

星靨

華岳三夫人媚李湜云笑開星靨花媚玉顏

二七

梁簡文等擬古云少年年紀方三六新粧年紀纔三五

年時二七猶未笄今年二八新紅臉 古樂府

連頭眉

一畫連心細長謂之連頭眉又曰仙蛾妝 漢武帝故事

林下風

顧家婦水清玉映是閨房之秀王夫人神情朗徹有林
下之風 晉書

美女破舌

荀息引周書云美女破舌美男破老 諸集拾遺

星蛾

星蛾月姊 四六集

館娃宮

館娃宮以西子得名吳人謂美女爲娃

比北斗

比北斗於心事斷陽臺於夢思

愁深半額

愁深半額工夫未及橫蛾病減細腰氣力劣能烹鯉

梳子同心

梳子同心梳枝連理

眉語

柳宜興云窻疎眉語度

木瓜粉

良人爲漬木瓜粉遮却紅腮交午痕

胡香

胡香細炷未肯將燻洛醫小規亦應慵點

釵梁

出意桃鬟一尺長金爲細烏簇釵梁

愁機悶繡

愁機懶織同心帶悶繡先描連理枝

眼分瓜核

眼分瓜核腰裊柳枝

百年妻

會稽太守蔡興宗以私米饋郭原平及朱百年妻百斛
原平不受百年妻亦同辭

歌黃鵠

列女傳魯陶門女少寡魯人欲求之女乃歌曰黃鵠早
寡七年不雙宛頸獨宿不與衆同飛鳥尚然况於貞長

崇義夫人

唐魏衡妻王氏爲薛仁果將旁企地所獲逼而妻之後因醉取佩刀斬其首賊乃散高祖對爲崇義夫人

命婦門

萬歲鄉君

晉羊祜已死贈太尉鉅平侯封妻夏侯爲萬歲鄉君

女侍中

元義妻封新平君後遷馮翊君拜女侍中

太夫人

漢文帝紀列侯太夫人無得擅徵捕如淳曰列侯子復爲列侯母稱太夫人

國夫人

宋鄱陽縣侯孟懷玉母拜國夫人

郡夫人

杜祐云高涼女子洗氏世爲南越首領有功冊爲高涼郡夫人

太君

唐制四品妻爲郡君五品縣君其母邑號皆加太君

丈夫門美惡附

玉裕見太子門

玉人

衛玠乘羊車過洛陽市人咸曰誰家玉人

飢座梨

唐崔遠時目爲飢座梨言世所珍

貌侵

史記武安侯貌侵注音寢短小也服虔止讀日本字晉書載左思貌侵唐書歐陽詢貌侵

通儉

魏志劉表以王粲貌侵而弱體通儉不甚重也注貌侵謂貌負其實也通儉者簡易也儉他活反

鬼質

鬼質盧杞

癭露

露瘦也列子其形甚露

鬼躁

魏尚書鄧颺行步弛縱筋不束體坐起傾倚若無手足

此貌之不恭也管輅謂之鬼躁鬼躁者凶終之徵後卒誅也

善用

後魏李諧因癭而舉頤因跛而緩步因蹇而徐言

冠玉

絳灌等讒陳平日平雖美丈夫如冠玉耳其中未必有也

兩玉人見時號數稱門

折拉

范睢以折拉而危穰侯言折臂拉齒解嘲

女門閨怨附

門上楣

楊氏貴寵隆盛當時謠詠云生女勿悲歡生男勿喜懼
又曰男不封侯女作妃看女却爲門上楣

十八鬟

春風爛熳惱嬌慵十八鬟多無氣力 李賀詩

進士不櫛

唐關圖妹文學書櫛罔不動人圖嘗謂人曰我家有一
進士所恨不櫛耳 南楚新聞

妖女

名都多妖女妖美也 曹子建詩

待年

傳曰叔姬歸於紀至者歸者待年於父母國

一女英

津妾一棹歌脫父於嚴刑十子若不肖不如一女英 李白詩

吳女郎

浦邊清水明素足別有浣紗吳女郎 李白詩

細馬馱

吳姬十五細馬馱

女表

羊緝之女佩任母亡不飲食三日而死鄉里號曰女表

呪桃花

粧臺記序北州才女靚妍面而呪桃花東國王孫舐嬌
痕而求獺髓

女宗

宋鮑蘇之妻不妬宋公表其閭曰女宗列女傳

小家女

孫綽情人碧玉歌碧玉小家女不敢攀貴德感郎千金
意慙無傾城色碧玉破瓜時相為情顏倒感郎不羞郎
迴身就郎抱

破瓜時見上

移天適人

移天適人謂嫁出

兒家門閉

唐人詩白玉堂前一樹梅今朝忽見數枝開兒家門戶
重重閉春色因何得到來

打起鶯兒

唐人詩打起黃鶯兒莫教枝上啼幾回驚妾夢不得到

遼西

女婿門 婦翁附

金龜婿

無端嫁得金龜婿辜負香衾事早朝 李義山

諸倩

淳于意傳黃氏諸倩注齊人呼女婿為倩言可假借

快婿

後魏劉昺少依郭瑀學瑀有女欲嫁遂設一席曰吾有
女欲求一快女婿誰當坐此席者昺奮衣來坐曰昺其
人也遂妻之

上下同門

唐世姑之壻與姪之壻謂上下同門 國史補

得壻如龍

後漢李膺孫秀俱娶太尉桓焉女時人謂桓叔元兩女俱乘龍言得壻如龍 楚國先賢傳

是兒例

突厥致書曰皇帝是婦父卽是翁比是女夫卽是兒例

婦公

權德輿作相獨孤郁克翰林學士遷起居郎以婦公辭內職

半子

唐會要德宗以咸安公主嫁迴紇可汗乃上言曰子壻半子也父若患於西戎子當遣兵除之

拜壻

異苑陳忠女名豐鄰人葛勃有美姿豐與村中數女戲相謂曰拜壻如勃無恨也

姊妹門

共乳

傳氣分形同胞共乳祭妹文又寒宵則松雪同明暖晝則鶯花共笑

公堂輟饌

因話云庾亮爲河南兵曹常于公堂輟已饌以餉寡姊

維私

詩曰譚公維私爾雅云姊妹之夫爲私

海錄碎事卷第七上

海錄碎事卷第七下

宋 泉州太守葉廷珪 類集
明 河南僉憲劉鳳 重校

聖賢人事部上

生子門

吞玉勝 見夢門

蘅薇

張道陵母夫人自魁星中以蘅薇香授之感而有孕

負蟻

宋明帝負蟻之慶言廢帝非所生也

惡月

孟嘗君以惡月生而相齊俗忌五月故曰惡月

老蚌

孔融見韋康韋誕與其父端書曰不意雙珠近出老蚌
康字元將誕字仲將三輔決錄

寧馨兒

山濤見王衍曰何物老嫗生寧馨兒然誤天下蒼生未
必非此人也宋廢帝太后病篤遣呼帝帝曰病人門多
鬼那可徑往太后怒語侍者將乃來破我腹那得生寧
馨兒

馨兒

晉書王仲祖好儀形每日王文開那生如馨兒

東方朔

東方朔生三日而母田氏死鄰母收養之時東方始明

因以爲姓洞冥記

綵旗

任昉母夢五綵旗自天而墜入懷遂生昉

神仙宗伯

王曇選母晝夢鳳集其身因而有孕僧寶誌曰生子當
爲神仙宗伯

神光照社

後漢應姬生四子家見神光照社探之得黃金自是諸
子宦學才名

託胡蘆

胡廣以惡月生父母惡之藏之胡蘆棄之河流岸側居
收養及長有盛名父母欲取之廣以爲背其所生則害

害義背其所養則忘恩兩無所歸託葫蘆而生也乃姓胡名廣小說

玉燕投懷

張說母夢玉燕投懷而生說明皇實錄

剪髮為髻

生子三月之末剪髮為髻男角女羈否則男左女右

臺卿見臺官門

孿子

戰國策孿子之相似唯其母知之利害之相似唯智者知之雙生子也所眷反

犀錢玉果

犀錢玉果利市平分沾四坐坡賀人生子詞

乳母門阿母附

老太母

高祖常從王媪武負貫酒如淳曰俗謂老太母為阿負

阿保

阿保傅母也寡婦賦命阿保以就列兮

食母

大夫之子有食母士之妻自養注食母所謂乳母也士妻賤不敢役人

乳姐

屬之乳姐傅以潼姆諸事拾遺

字乳婢

郭氏洞林顧行常不宜兒子其婦將產求術於郭璞為

海鏡錄事 卷七
作卦得家人之蒙其辭曰巽子在上變值蒙女蘿覆高
松院養微火捍其凶養子之人名宜同法當字乳婢曰
青蘿如其言呼兒果無恙侍兒小錄

敏慧門 英偉附

英儁

蘇綽曰千人之秀曰英萬人之英曰儁

十行

北齊河南王孝瑜讀書十行俱下覆碁不失一道

人中龍

晉宋纖令艾隱居太守馬岌具威儀饒鼓造織不見岌
歎曰名可聞身不可見德可仰形不可睹真人中龍也
民英

待時屬興運王佐俟民英任彥升詩

嶷如斷山

世目周顛嶷如斷山 世說

君家果

楊脩九歲孔文舉指楊梅謂之曰此君家果荅曰未聞
孔雀是夫子家禽

任氏童

魏任嘏先世皆早成人時語曰蔣氏翁任氏童

士中英

孔稚圭白馬篇當今丈夫志獨取士中英

海內秀

賀循體識清遠不徒東南之美實爲海內之秀

東南美上

荻筆

陶弘景年四五歲以荻為筆畫灰中學書

當面試

陳思王年十歲餘太祖視其文曰汝倩人耶植曰言出為論下筆成章顧當面試奈何倩人

布衣雄世

袁紹稱鄭玄以布衣雄世商芸小說

黃中內潤

黃中內潤風神外偉北史

宿讀

闕駟性聰敏三史羣言經目則誦時人謂之宿讀

青雲器

仲容青雲器阮始平詩

風成

鍾會敏惠風成鍾士季檄

脫略風塵

司徒袁粲有高世之度脫略風塵任彥升序

盧家千里

盧家千里釋奴龍子思道小字釋奴從弟昌衡小字龍子宗中俱稱英妙故時語云

乳下秀

乳下秀嶷嶷韓退之

精神滿腹

精神滿腹

海錄碎事 卷七下 五
溫嶠每事諮度錢鳳爲聲價曰錢世儀精神滿腹鳳信
之

半面無志

半面無志五行俱下四六集

慧中

韓文云秀外而慧中言內敏也

羣碎

王羲之與謝方書以君邁往不屑之韻而俯同羣碎誠
難爲意也

瓜蒂歎鼻

隋麥鐵杖常曰丈夫誰能艾炷灸頭瓜蒂歎鼻求長命
乎遼東戰陷陣死

人瑞

唐書鄭仁表自謂門地人物文章具美常曰天瑞有五
色雲人瑞有鄭仁表

半英雄

魏傅巽瓌瓌有知人鑒在荊州目龐統爲半英雄出劉
表傳

盃酒英雄

白居易哭劉夢得詩曰盃酒英雄君與操

可比相如

蘇頲爲益州長史見李白異之曰是子天才英特少益
以學可比相如

一不爲少

梁書陸瓊幼聰慧從祖襄嘆曰此兒必荷門基所謂一不為少

異童子

孔融異童子

黃童

天下無雙江夏黃童後漢黃香能文章江夏人

當歸阿士

劉孝綽幼聰慧舅王融每曰天下文章若無我當歸阿士孝綽小字也

爵里刺

夏侯榮七歲誦千言時賓客有餘人人一奏刺悉書其鄉邑名氏世所謂爵里刺也榮一寓目不謬一人

童牙

崔駰曰甘羅童牙而悟

將相器

馬援子客卿六歲應接諸公援奇之以為將相器

髻髻

後漢周燮始在髻髻知廉讓注髻髻也子生三月剪髮為髻男角女羈

腐芥曲針

吳志虞翻字仲翔年十二客有過其兄不謁翻翻追與之書云僕聞虎魄不取腐芥磁石不受曲針過而不存不亦宜乎客大奇

胷中甲兵

齊帝指崔浩示人曰汝曹眎此人阉弱不能持矛彎弓其習中所懷乃逾於甲兵矣

駒齒未落

北齊楊愔字遵彥十一受詩易兄昱謂人曰此兒駒齒未落已是我家文龍更十歲後當求之千里外本傳

龍文

又北齊裴景鸞爲驥子景鴻爲龍文

人中騏驎

人中騏驎梁朝徐勉

人中爽爽

人中爽爽有子朗梁何子朗也

一鬻俊

見言談門

一過千言

開元中常敬忠年十五歲上書言能一過誦千言張燕公召問曰能十過誦萬言乎能以萬字試之七過已通熟也封氏見聞記

阿鴻摩天

後漢霍光子鴻字彥鸞弱冠拜侍中黃門侍郎光重之謂次子曰阿鴻已摩天去汝曹可不勉哉

食牛氣

尸子虎豹之駒雖未成文已有食牛之氣

虎豹駒見上

二離

潘安仁贈何劭王濟雙鸞遊蘭渚二離揚清暉離之精

為鸞鳳

名諱門

麻膏相公

崔胤五拜相權傾天下險譎可畏其父慎由人改呼油為麻膏避其諱時號麻膏相公

正月

秦皇諱政故音征今尚云然

露葵

有蔡朗者諱純遂呼尊為露葵顏氏家訓

扁螺

劉臻好噉蜺以音同父諱呼為扁螺父名顯

世家門一門貴盛附

盛闕

唐楊汝士兄弟四人俱歷要仕時稱盛闕又號靖恭諸楊以其兄弟敦睦故也

一門百笏

隋李穆貴盛一門執象笏者百

重侯累將

王商贊許史三王丁傳之家重侯累將窮貴極富

世掌誥命

晁適與其子宗慤世掌誥命

童子節

續漢書云秦微公卿子為諸生有志操者錄之號童子節事始

英英門戶

王僧達曰顧琛一公兩掾英英門戶南史

萬石君

景帝曰石君及四子皆二千石人臣尊寵舉集其門凡
凡奮為萬石君

相門子

岑公相門子雅望歸謝公李白

家非鼎甲

柳坳序訓云孝公常謂予兄弟云女家雖非鼎甲然中
外名德冠冕之盛亦可謂華腴名族矣

旗旆成陰

韋氏自居京兆代有人物朱翰接軫旗旆成陰

地高

浴下推年少山東許地高李德裕詩

相門有相

諺云相門有相將陳思王疏

德星社

崔氏兄弟六人至三品宣帝嘆曰卿一門孝友可為士
族法題所居曰德星堂京兆民即其里為德星社邠鄆
鄆已為禮部五吏部再

門業

武帝謂徐勉曰賀琛殊有門業

傳龜襲紫

楚寵陰識傳贊曰恂恂苗胤傳龜襲紫

立戟

三品已上門立戟

列戟

張介請列戟於故鄉

三戟崔家

三戟崔家崔琳也

門列三戟

李現李峘李擇門列三戟

人門兼美

蔡凝曰黃敬之職須人門兼美

楊三喜

楊敬之拜司業次子進士及第長子三史登科時號

三喜撫言

門子

苗粲少以門子早登朝班謂門蔭也陸贄奏議

五馬

殷文圭啓荀家門內羅列八龍柳氏亭邊參差五馬注

南齊柳元伯之子五人皆領州號五馬參差於亭

勲門

劉彥詢以勲門嫡孫襲爵

清第

宿非清第代闕華資李彪

門才

李彪上書于河北七州人中擢其門才引令赴闕

勝帶

家世宅闕輔勝帶宦王城言勝冠帶時也鮑明遠

蔭藉高華

蔭藉高華人品允來劉瑀彈王僧達云

德門

謝氏自晉以降雅道相傳可謂德門謝幾卿也

品丁

品丁有品者之家

閥閱

積功曰閥歷任曰閱唐音訓

甲門

張沛曰隴西李亶天下甲門

四術

冠蓋蔭四術注術道也左太冲詩

俄亦作

何公既登侍中武子俄而亦作傳長虞序

勢門上品

勢門上品猶當格以清談任彥升表

類其家聲

李陵既生降類其家聲馬遷書

家道門

好家居

會稽王道子少年專政委任羣小陸汭望闕而嘆曰好家居織兒欲撞壞之耶

生產作業

高祖常有天度不事家人生產作業

貞婦順孫

孝子賢弟貞婦順孫

大家翁

鄙諺曰不癡不聾未堪作大家翁隋書長孫平傳

家無常子

晉書汜毓敦睦九族究主稱其家兒無常毋衣無常主

家無常子

妾門

萱枝

婢號萱枝妾稱桃葉段成式

絳桃柳枝

絳桃柳枝韓退之二妾名

令妓燒指

高聰有妓十餘人及病欲不適他人並令燒指吞炭出

家為尼

下妻

被畧為人下妻欲去者恣聽之東漢

如夫人

左傳齊桓公有如夫人者六人

鄭櫻桃

石季龍寵惑優僅鄭櫻桃而殺二后

錦兒

海金石事 卷三
韓渥集中有別錦兒詩

私買侍婢

王莽折節爲恭儉虛譽隆浮常私買侍婢昆弟聞之莽因曰朱子元無子爲買之卽日以婢奉朱博其匿情求名如此

珠娘

綠珠生白州雙角山下越俗以珠爲上寶生女名珠娘生男名珠兒綠珠之字由此而稱

倒龍佩

石崇妓妾千餘人擇數十人裝飾一處等使忽視之不相分別刻玉爲倒龍佩瑩金爲鳳凰釵有所召者不呼姓名悉聽佩聲視釵色玉聲輕者居前釵色艷者居後以爲行次而進

樊通德

伶玄字子干老休買妾樊通德有才色知書玄撰趙后外傳

綠珠江

白州流水自雙角山出合容州江呼爲綠珠江亦猶歸州有昭君灘昭君塲吳有西施浴處脂粉塘又有綠珠井在雙角山下耆老云汲此井者誕女必美有識者以美色無益於時以巨石鎮之雖產女端妍者七竅四支多不完具昭君村生女皆炎破其面

謝阿蠻

新豐進女伶謝阿蠻工舞上與妃子鍾念因授前一曲

鴛鴦夢

謝秀才妾詩好作鴛鴦夢南城罷拘砧

成侯命婦

鍾會母非繇正室會為傳曰古者公侯有夫人有世婦有妻有妾所謂外命婦也於是稱成侯命婦

雪面澹蛾

楊炎贈元載寵姬薛瑤英曰雪面澹蛾天上女鳳蕭鸞翹欲飛去

雷尚書

王導有幸妾雷氏頗預政事納貨賂時謂之雷尚書世說

房老

石崇愛婢翔鳳年三十遂退之使為房老

人種

阮仲容追其姑家鮮卑曰人種不可失也

二五耦

驪姬欲立其子奚齊賂外嬖梁五與東闕嬖五晉人謂之二五耦注二人皆名二五耦相偶共起一代言二人其懇傷晉室如此左傳

誦靈光賦

蜀劉琰侍婢教誦魯靈光殿賦

手語

崔生謁一品問其妾與之手語傳奇

紅拂妓

李靖微時見楊素白事有紅拂妓目靖久之其夜來奔
曰我楊家紅拂妓也閱天下人多矣未有如公者故來
奔耳傳奇

七七

李沂公妾名七七善琴與箏諸集拾遺

老嫗吹箎

後魏河間王有婢曰朝雲善吹箎諸羌叛王令朝雲假
爲老嫗吹箎羌皆流涕降語曰快馬健兒不如老嫗吹
箎也尚書故實

絕世人

中山孺子妾特以色見珠雖不如延年妹亦是當時絕
世人李白

千黃金

一笑雙白壁再歌千黃金上

雙騎

余有兩少妾雙騎駿馬行李白自謂也

二桃李

送姪良攜二妓赴會稽攜妓東山去春光半道催遙看
二桃李雙入鏡中開李白詩

雙鴉鬟

雙鴉鬟錦囊養之懷袖間上

手椎

語林劉道真求婢不從乃下地叩頭婢懼而從之明日
語人曰手椎固是神物一下而婢伏淫

短因緣

鮑生妾詩風颭荷珠雖暫圓多生信有短因緣

點酥娘

東坡贈王定國侍人宴娘詞云誰羨人間琢玉郎天應乞與點酥娘

媚側室

南史詩云張睦染白髭將以媚側室青青不解久星星還復出

小蠻

小蠻有二義若楊柳小蠻腰卽白公侍姬若晚春酒熟尋夢得云還攜小蠻去試覓老劉看此酒榼名小蠻也

杜仲陽

漳王養母杜仲陽卽杜牧所謂杜秋娘者也

張靜婉

南齊楊侃舞人張靜婉腰圍一尺六寸能掌上舞唐人楊柳枝詞云認得楊家靜婉腰

團扇 見扇門

懊惱歌 見歌行門

香兒

元載妓薛瓊英幼以香屑親飲啖之長而肌香故名香兒出麗情

奴婢門

酒家保

彭越爲家人時窮困賣傭于齊爲酒家保 英布傳

海錄事 卷十一
常住奴

常住奴出雜俎童行也

十里鼻

契丹罵漢兒作十里鼻猶言奴婢也燕北雜記

黠奴

黠奴人之所患唯力間收使之逐魚鹽商賈之利終得其力起富至數千萬

狂奴態

嚴子陵傳云此狂奴故態也又張祐詩喜作狂奴態羞為老婢聲

老婢聲

顧愷之字長康好吟咏自謂得先賢風制或請其作洛

生咏荅曰何至作老婢聲

平頭奴子見婦人門

執衣

執衣白直皆皂隸之類

戶奴

戶奴闈人主戶止誰何者也

臧獲

臧獲奴婢也風俗通云其或因贓入罪或逃亡見獲故云臧獲

石祭酒

李抱玉主課青衣冒名奏授祭酒乾膳子

內記室

唐潞州節度使薛嵩青衣紅線通經史掌牋表號內記
室甘澤謠

僮約

王褒作買奴券文也云王子淵從成都女子楊惠買夫
時髡奴便了決賣萬五千奴從百役使不得有二言但
當飲水不得嗜酒欲飲美酒唯得染唇漬口不得傾盃
覆斗事訖欲休當舂一石夜半無事浣衣當白奴不聽
教當答一百讀券文遍奴兩手自搏目淚下落鼻涕長
一尺如王大夫言不如早歸黃土陌蚯蚓鑽額古文苑

染唇漬口

蚯蚓鑽額並見上

銀鹿

顏峴家僮名銀鹿事魯公終其身國史補

小青

施肩吾詩鋤藥顧老叟焚香呼小青

畫無俚

西漢婢妾賤人感慨而自殺非能勇也其畫無俚之至
耳注方言曰俚聊也許慎曰賴也爲其計畫無所聊賴
至於自殺耳

平頭奴子

平頭奴子搖大扇五日不熱疑清秋李白詩

銀盃解飛

柳公權有銀盃盃數爲主藏豎海鷗所竊一日鷗白公
言不測其失之由公曰銀盃應解飛不復更言柳氏序

訓

蒼頭

彭寵為蒼頭所殺注云秦呼人為黔首謂奴為蒼頭者以別於良人本傳

僕從門

大誰卒

門卒主問何人何者漢有大誰卒

冗從

冗從散從人也

騶騎

騶本廐之馭者從人令為騎因謂之騶騎也漢注走卒

常夜從走卒行徼邯鄲中西漢趙王彭祖

廐養

趙有廐養卒注廐取薪者也養養人者也陳餘傳

廐役

其賓客廐役皆天下豪俊上

騶奴

昌邑王賀與騶奴宰人游戲飲食

哄導

王承宗伏盜京師刺度哄導皆駭獨騶王義持賊大呼裴度傳

騶哄

騶哄胡貢切喝聲也

當關

嵇康書云晝臥喜晚起當關呼之不置注漢有當關職
曉至門呼

幹僮

沈濱之傳先是省中有官所給幹僮不得雜役

廬兒

何仲翁出入從蒼頭廬兒注皆官府之給賤役者

族望門 姓氏附

岡頭盧

岡頭盧澤底李士門崔皆為顯族 出國史補

去天尺五

韋曲杜鄠近長安諺云韋曲杜鄠去天尺五

銀鏤王家

四姓滎陽鄭岡頭盧澤底李士門崔皆為鼎甲太原王
亦四姓之匹而呼為銀鏤王家喻銀質而金飾也 國史
補

門望

韓顯宗上書夫門望者是其父祖之遺烈亦何益於皇
家

王氏

王氏其先姓田秦始皇滅齊田氏稱王家子孫因以為
氏

尔朱氏

其先居尔朱川因為氏焉

人姓木邊

桓伊詣王遵遵謂左右曰門何為通桓氏我聞人姓木邊者便欲殺之况諸桓乎

豕韋

肅肅我祖國自豕韋氏之始也韋孟康諫詩

豆盧

豆盧寧本姓慕容歸義賜姓北人謂歸義為豆盧焉

宇文

炎帝之後曰普迴始居朔野鮮卑奉以為主得玉璽以為天授其俗謂天曰宇文君曰文因號宇文國并以為氏

官簿

陳咸蕭育官簿皆在方進之右注簿謂伐閱也音主簿

之簿

繼嗣門庶孽附

支子

高皇帝與諸公併起非有反室之勢以豫席之也注禮卿大夫之支子為側室

三庶孽

高帝封三庶孽分天下半謂孽子悼惠王庶弟元王兄子吳王也吳王濞傳

微子

杜荀鶴杜牧之微子也牧之妾有妊嫁杜筠生之

畧不識字

邢子才孽子大德大道畧不識字

黃鷄生卵

晉賀喬妻于氏論養子爲後議曰鄙諺有云黃雞生卵烏鷄伏之但知爲烏鷄之子不知爲黃鷄之兒

餒魂

劉禹錫謂張曲江燕翼無似終爲餒魂

無外家

王符安定人安定俗鄙庶孽而符無外家爲鄉人所賤八子

諸侯王以令置八子秩比六百所以廣嗣重祖也八子妾號也高帝五王傳

成侯命婦見妾門

姓字門

泉明

醒蹉東籬下泉明不足羣淵明一字泉明李白詩多用之

不得二名

王莽秉政奏令中國不得有二名亦使人諷單于從之故名囊知牙斯更名曰知

字喬年

唐十八學士圖皆當時墨迹云房元齡字喬年

賀孚

賀知章爲秘書監乞歸召見問所欲知章曰臣有男未名幸賜以爲榮帝曰人無信不立孚者信也可名孚知章旣歸乃寤曰帝戲我耶我實吳人孚者瓜子也開元

傳信記

性情門

無宿物

謝仁祖云庾赤玉曾中無宿物赤玉庾統字也世說

意遠

嵇意遠而疎呂心曠而放其後各以事見法向子期思舊賦

性行

山濤語潁川太守山嶽曰嵇康性行不堪職任

性深阻

性深阻如城府司馬宣王也

五情

形影相弔五情赧服注五情喜怒哀樂怨也選

龍性

鸞翮有時鍛龍性誰能馴嵇中散詩

孝弟之性

夏侯湛作周詩成示潘安仁安仁曰此非徒温雅乃見孝弟之性世說

胎性暴

上元夫人謂漢武帝曰汝胎性暴胎性淫胎性奢胎性酷胎性賊武帝內傳

情條行葉

藹藹情條漪漪行葉四六集

才能門

海鏡石事 卷之十一
多多許

簡文稱王懷祖才既不長於榮利又不淡直以真率少許便是對人多多許

才足十人

齊柳惲爲吳興太守齊帝曰吾聞君子不求備至如渾才藝可足千人

僕遼遼

諸曹以下僕遼不足數凡短之貌也西漢息夫躬傳

天下選已

今執事之臣皆天下之選已注已語終辭西漢

在下中

初廣與從事蔡義俱爲郎蔡後代公孫弘爲丞相蔡爲

人在下中者名聲出廣下遠甚注在下輩之中也李廣傳

長才廣度

長才廣度無所不淹嵇康書

促鱗短羽

促鱗之游汀潭短羽之棲翳蒼潭音寧七命

阿奴鹿鹿

周伯仁母曰伯仁志大才短尚性狼狽唯阿奴鹿鹿常在阿母目下耳

陶犬瓦鷄

陶犬無守夜之警瓦鷄無司晨之益洞冥記

齷齪近步

海錄事 卷之十一
多多許

簡文稱王懷祖才既不長於榮利又不淡直以真率少許便是對人多多許

才足十人

齊柳惲爲吳興太守齊帝曰吾聞君子不求備至如渾才藝可足千人

僕遼遼

諸曹以下僕遼不足數凡短之貌也西漢息夫躬傳

天下選已

今執事之臣皆天下之選已注已語終辭西漢

在下中

初廣與從事蔡義俱爲郎蔡後代公孫弘爲丞相蔡爲

人在下中者名聲出廣下遠甚注在下輩之中也李廣傳

長才廣度

長才廣度無所不淹嵇康書

促鱗短羽

促鱗之游汀潭短羽之棲翳蒼潭音寧七命

阿奴鹿鹿

周伯仁母曰伯仁志大才短尚性狼狽唯阿奴鹿鹿常在阿母目下耳

陶犬瓦鷄

陶犬無守夜之警瓦鷄無司晨之益洞冥記

齷齪近步

海錄碎事 卷三十一
小夫煥臣之徒憤眊不知所爲息夫躬傳

無他才技

朱朴腐儒木強無他方技筆札議論動爲笑端

索衣食

方朔給騶朱儒云上以若曹無益於用徒索衣食注索盡也先各反

無所比

行能無所比容兒不及衆蔡義

惛惛不办

温舒爲人少文居止惛惛不辯

瓦釜雷鳴

黃鍾毀棄瓦釜雷鳴楚辭

尺有所短

尺有所短寸有所長上

小器易盈

小器易盈先取沈頓醒寤之後不知所言言量小也吳季重牋

海內無雙

自以爲智能海內無雙東方朔

造國手

陳覺曰嗣主言宋齊丘本造國手

孝義門 孝廉附

孝廉船 見舟門

烏鵲通巢

郭雋七世同居犬豕同乳烏鵲通巢

孝廉郎

師丹舉孝廉為郎

興廉舉孝

漢武元朔元年詔曰興廉舉孝庶幾成風

德行門

盛德人

庾亮曰孟嘉故是盛德人

仁德正號

孔融立鄭公卿云昔太史公廷尉吳公謁者鄧公四皓稱公是則公者仁德之正號不以三事大夫也

德行堂堂

德行堂堂邢子昂邢顒也

三費

韓詩外傳子夏過曾子曰入食子夏曰不為公費乎曾子曰有三費飲食不在其中子夏曰何謂三費曰少而學長而忘之一費也事君有功輕而負之二費也父友交而中絕三費也

得二

任彥升序踐得二之機韓康伯曰在理則昧造形則悟顏子之分也失之於幾故有不善得之於二不違而復故知之未常復行也

自將

倪寬為人溫良有廉知自將注將衛也以智自衛

殊行

蔡興表郭原平有殊行舉爲太常博士

當世用

孝文曰君子之門假使無當世之用要自德行純篤是以用之

被金石

被金石而德廣流管絃而日新文賦

亞黃中

張子房道亞黃中易曰黃中通理

圭端泉正

圭端泉正鏡定衡平四六集

忠孝門

退家進官

張敞上言曰臣聞忠孝之道退家則盡心於親進官則竭力于君

孝張里

張敷以毀死孝武改所居爲孝張里

二極

一致二極謂君親也一致謂忠孝同於一也

代父死罪

石奢相楚行縣有殺人者追之乃其父也縱父而自拘曰以父立政不孝也廢法縱罪非忠也遂自刎而死史言

富貴門

不數頭

晉書麴允金城人與游氏世爲豪族西州語曰麴與游
牛羊不數頭南同朱門北望青樓

望青樓見上

黃金橫帶

田單攻狄不克魯仲連曰今將軍東有掖邑之奉西有
淄上之娛黃金橫帶而騁乎淄沔之間有生之樂無死
之心所以不勝也史記

與地侔貲

富既與地平侔貲貴正與天子比崇甘泉賦

谷量牛馬

烏氏羸畜牧谷量牛馬漢貨殖傳

足羊躡馬

澤中千足彘二百五十頭也馬二百躡音啼五十疋也

千石魚

水居千石魚波注波讀曰陂言大陂養魚歲收千石

千樹橘

安邑千樹棗燕齊千樹栗蜀漢江陵千樹橘

千畝竹

陳夏千畝黍齊魯千畝桑渭川千畝竹

千章菽

山居千章之菽注大材曰章菽卽楸字

千畝卮茜

千畝卮茜千畦薑韭此其人皆與千戶侯等茜千見反

歲千釀

通都大邑酤歲千釀注千瓮以釀酒

釀醬千坵

醯醬千坵漿千儋坵長頸鬕胡瓊反儋丁濫反

船千丈見舟門

已上並西漢貨殖志

金張館

秋坐金張館繁陰畫不開李白

萬金產

勞生徒聚萬金產李白

卑下之

凡編戶之人富相什則卑下之伯則畏憚之千則役萬

則僕西漢志

富貴來逼

楊素為詔書下筆立成周武帝謂曰善自勉之勿憂不

富貴素答曰臣但恐富貴來逼臣臣無心求富貴

貫患交娛

陶詩駟馬無貫患貧賤有交娛贈羊長史
貫待夜切餘也

膏梁士

美哉膏梁士營生與且博陸士衡詩

素封

史記富者無祿秩之奉而與之比者命曰素封

五香

張正見劉生詩金門四姓聚繡轂五香來

東路徐

海島石事 卷七
梁朝徐君倩及襄陽魚弘並以豪盛稱侍妾數百皆佩
金翠曳羅綺時號北路魚東路徐

夜日晝星

郭况家富懸明珠于四壁晝視如星夜視如日人語曰
洛陽多錢郭氏室夜日晝星世無匹東京謂之瓊厨玉
亢

侈侈

隆富侈侈注侈侈盛貌南都賦

高門鼎貴

吳都賦高門鼎貴始也賈捐之傳石顯方鼎貴

許史廬

朝集金張館暮入許史廬左太冲

鳴笳啓路

從者鳴笳以啓路文學托乘于後車魏文帝書

託乘後車見上

不雨雷

郭况以黃金爲器工冶之聲震于都鄙時以郭氏之室
不雨而雷

塵臺

石季倫春雜寶異香使人于樓上吹散之名爲塵臺

莊武慙家

莊武慙家金張媿冑四六集

富將陶白

富將陶白貲巨程羅山擅銅陵家藏金穴廣絕交論

擅銅陵見上

貧素門

十盜

六韜貧者十盜謂收種不時娶婦無能養女太多之類

白社

董威輦宿洛陽白社中時乞於市

樵采

買臣困樵采伉儷不安宅左太冲

落落

落落窮巷士注云疎寂貌左太冲

酒家保見奴婢門

身溝壑

張景陽詩雖榮田方贈慙為溝壑名子思貧居田子方贈狐白裘不受曰吾與人物隨而忘之如棄耳子思曰吾聞忘施猶棄物溝壑雖貧不忍以身為溝壑

蒿沒人

張仲蔚隱身不仕所居蓬蒿沒人

孤興

對窮迹而孤興選賦

素門

素門凡流任彥升表

牛馬走

司馬遷書自稱太史公牛馬走言已為太史公牛馬之僕也

家無綺縞

梁伯鸞家無綺縞張仲蔚門有蓬蒿四六集

赤貧

古人謂空盡無物曰赤如赤地千里南史稱其家赤貧者是也赤族言盡殺無類也漢書注以爲流血丹其族大謬唐音訓

荆緜

馮驩甚貧有一劍耳又荆緜荆苦怪反茅之類可爲繩緜音侯把劍之處言劍無物裝用茅繩纏之史記

鬼笑

南朝劉伯龍貧甚嘗召左右將營什一之利忽見一鬼在傍大笑伯龍曰貧困固有命乃爲鬼所笑

素家

江淹仕梁封醴陵侯謂子弟曰吾本素家不求富貴

營一飽

傾身營一飽少許便有餘陶詩

家乏

弱年逢家乏老至更長肌上

單門

後漢趙壹賦云法禁屈撓於勢族恩澤不逮於單門

天錄

酈炎詩富貴有人藉貧賤無天錄注謂如蕭曹名見於圖書

有官宅

原憲桑樞不易有官之宅

落魄

酈食其家貧落魄無衣食業注魄音薄失業無次也

假貸服具

朱建母死貧未有以發喪方假貸服具貸土待反

都養

倪寬受業孔安國貧無資用嘗為弟子都養注士給烹炊者也養弋向反

攻苦食啖

吕后與陛下攻苦食啖師古曰啖當作淡其可背哉

排草入

葛洪貧無僮僕籬頭頽破常披榛出門排草入堂抱朴

子

沾於死亡

窮困之人或沾於死亡音反沾之沾又音檐漢詔

羅縷自陳

余遭家之軼軻膺六極之困屯無原憲之厚德有斯人之下貧愁鬱煩而難處且羅縷而自陳東哲貧家賦

繩樞子

過秦論云陳涉甕牖繩樞之子又選廣絕交論云繩樞之子陋巷之賔

居約

陳餘張耳始居約時相然信死豈顧問哉本傳贊

哀王孫

每錄卒

卷三

三

漂母曰大丈夫不能自食吾哀王孫而進食豈望報乎

西漢

麤糲之費

嚴仲子曰竊聞足下義甚高故進百金者將用為夫人麤糲之費得以交足下之驩史記

窶人子

嫪毐曰窶人子何敢乃與我亢史記

生事如蓬

歸來無產業生事如轉蓬李自詩

無酒錢

欲要擊筑悲歌去正值傾家無酒錢李白詩

挂胡牀

去時無一物東壁挂胡牀上

用貧求富

用貧求富農不如工工不如商刺繡文不如倚市門此言末作貧者之資也西漢貨殖傳

力能貧

古語力能勝貧謹能勝禍

窮遊約

窮遊約處屢絕簞瓢晚生早孤不聞詩禮

歸窮委命

言以窮自歸而委命于天也鵬鳥賦

衡闈

何獨顧衡闈衡門也范彥龍詩

衡宇

文選云乃瞻衡宇

肉食資

無以肉食資取笑葵與藿陸士衡樂府

賤老相尋

榮與壯俱去賤與老相尋張季膺詩

立錐

史記孫叔敖為楚相及死其子無立錐之地

門無結駟

德非陳平門無結駟之跡學非楊雄堂有好事之客應

休璉書

飲水

周黨每過閔仲叔共飲水而已

置酒

家貧孟公無置酒之樂

苦蓋

選廣絕交論斷金由于湫隘刎頸起于苦蓋又春秋左氏傳曰乃祖吾離被苦蓋言貧賤也

織絢緯蕭

灌畦鬻蔬為供魚菽之祭織絢緯蕭以充糧粒之費絢

音瞿陶淵明

號寒啼饑

韓文公進學解曰冬煖而兒號寒年登而妻啼飢

海錄碎事卷七下

海錄碎事卷第八上

聖賢人事部中
老稚門

類齡

沈休文詩若蒙西山藥類齡儻能度注魏文帝詩曰西山一何高高何高殊未極上有兩仙童不飲亦不食與我一圓藥光耀生五色服之四五日身體生羽翼

鄉臺

德輝灼邦懋芳風被鄉臺顏延年

夙齡

夙齡愛遠壑晚泣見奇山夙齡早歲也晚泣謂暮年臨
職沈休文詩

舊齒

親友多零落舊齒皆凋喪謂耆老也陸士衡詩

末塗

末塗幸休明徐幹詩

黃髮期

願以黃髮期養生念將老又王其愛玉體俱享黃髮

期曹子建詩

齒齲

時邁齒齲徒結切大也言年齒漸老大也陳孔璋詩

華顛

蔡邕傳曰華顛胡老注云顛頂也謂白首也新序齊王
對閭丘印曰士亦華髮墮顛而後不用耳

西夕年

李崖拜太保謂其子曰不可以西夕之年取笑於來今
也

長年人

臨風杪秋樹對酒長年人白樂天詩

老朽

駱賓王與鄉友書云耆耄者化為異物大壯者皆為老
朽

偃子

偃子童子也音真出漢書

翻日車

後漢李尤九曲詩云年歲晚暮時已斜安得力士翻日車

急景頽年

急景倏云暮頽年寢已衰 李義山詩

黃小中丁

男女始生為黃四歲為小十六為中二十一為丁六十為老 出隋書

眉梨

眉梨耄耆老也東晉曰眉言秀眉也燕代之北曰梨言面色似凍梨也宋衛克豫曰耄秦晉之交陳克之會曰考 出方言

麋梨

文曰麋梨老也注麋猶眉也 方言

大人

漢蘇純三輔號為大人注長老之稱 出蘇章傳

織兒

會稽王道子少年專政委任羣小陸炳望闕而嘆曰好家居織兒欲撞壞之耶

老陳陳

誰覺老陳陳牧之詩

方瞳老叟

老聃居山有父老五人方瞳玉面握青筠杖共談天地乃五方五行之精 拾遺記

方小

季康子之母死公輸若方小言年尚幼也

八百錢馬

襄陽耆舊傳南陽太守張忠曰吾年往志盡譬如八百錢馬生死同價

疾侵耄及

疾侵耄及惕陰將盡常恐卒填溝壑虞奇書

華顛童牙

裴駟曰唐睢華顛以悟秦甘羅童牙以報趙

歲貶顏

王僧孺詩未應歲貶顏直以憂殘髮

憂殘髮見上

前路

前路漸欲少不覺生涕洟

黃領小兒

黃領小兒崔陵指言文襄謂其幼小

年涉危境

詔曰昔高冗年涉危境而家貧養薄言老境也北史

鑷白

長呼望青雲鑷白坐相歡秋顏入曉鏡壯髮凋危冠李白詩

髮先秋

朱顏君未老白髮我先秋上

青歲歌

紅顏悲舊國青歲歇芳洲上

朱顏子

昨朝朱顏子今日白髮催上

少童

洛陽少童邯鄲女 江淹

年逮者

歲月其徂年其逮者

年力

年力玄頽侵 選詩

未暮

幼壯困孤介未暮謝幽貞注謂衰老之時 選詩

大耋

大耋嗟落暉大老也周易大耋之嗟凶

老冉冉

老冉冉其將至 騷經

年長大

年行已長大所懷空萬端 魏文帝詩

已成老翁

已成老翁但未白頭耳上

齒危髮禿

齒危髮禿之老 任彦升序

不二老

朝寡純德之士鄉乏不二之老

鳩車竹馬

海錄事 卷八上 五
王元長曰小兒五歲曰鳩車之戲七歲曰竹馬之遊

志節門 全節附

老兵

關羽聞黃忠為後將軍怒曰大丈夫終不與老兵同列

丹石心

既秉丹石心寧流素絲涕 謝玄暉

乘長風

宗慤字元幹叔父少文問其所志慤曰願乘長風破萬里浪

烈火辨玉

烈火辨玉疾風知草

池荷不濕

池荷不濕火玉常冷

建豹尾

晉王含謂其妻曰男兒不建豹尾不復歸矣

鳴珂

李泌少為詩曰天覆吾地載吾天地生吾有意無不然
絕粒升天衢不然鳴珂遊帝都安能不貴復不富空作
昂藏一丈夫 鄭侯家傳

帶金珮紫

丈夫處世當帶金珮紫

松柏志

宗世林薄曹操為人不與之交後操作司空總朝政問
宗曰可以交未答曰松柏之志猶存以忤旨見疎位不

配德

背洛水

諸葛靚後入晉除大司馬召不起以與晉室有讐常背洛水而坐

南百城

李謚嘗曰丈夫擁書萬卷何暇南百城

温蠖

又安能以皓皓之白而蒙世之温蠖乎

微尚

平生有微尚歡笑自此畢

謝玄暉

鷄爭食

寧與黃鵠比翼乎將與鷄鶩爭食乎

離騷

薄雲天

英辭潤金石高義薄雲天

過半路

愈峻注或謂秦王曰行百里者半於九十此言末路之難也

養胎

勾踐養胎以待用昭王恤病以雪仇故能以弱燕服強齊羸越滅勁吳

乘高車

郭丹入關而嘆曰不乘使者車不復出門後奉使南陽果乘高車

忠義門

忠規

忠規密謀潛慮惟幕傅季友表

忠鬼

易雄爲王敦所執曰今日卽戮得作忠鬼乃所願也遂殺之

望義

望義如歸謂程嬰杵臼也

野馬黃羊

杜祁公詩雙鳧乘鴈常深愧野馬黃羊亦過憂張詵曰吾肉非黃羊必不畏喫血非野馬必不畏刺

事百君

張岱曰古人有言一心可以事百君

卞忠貞

卞壺死蘇峻之難謚忠貞公

丹府

親仁罄丹府之愛赤心也

釋生取義

故申郎西平郭脩手刃費禕勇過聶政功逾介子可謂殺身成仁釋生取義者也

忠義爲首

中領軍桓範薦徐宣疏曰爭奪之時以策略爲先分定之後以忠義爲首

俸祿門祿養附

斗食

海錄事 卷八
百官表百石以下有斗食佐史之秩

解錢

先是臺省府寺咸置解錢收息蘇孝慈以為官民爭利非興化之道奏罷之請公卿已下給職田各有差

皤然就養

蕭嵩罷中書令其子衡以主婿三品嵩皤然就養十年餘衣冠榮之

智謀門

折慮

趙奢正疆場秦人折北慮猶息謀也 盧子諒詩

深智士

道逢深智士舉手對吾揖 潘政叔詩

時謀

恨我無時謀譬諸具官臣 王仲宣詩

堂上奇

何必操干戈堂上有奇兵 張景陽詩

幄中策

慨無幄中策徒慙素絲質 盧諲詩

借前箸

酈食其請立六國後漢王以問張良良曰臣請借前箸以籌之

胷中畫

慢世薄功業非無胷中畫 李白

人基之謀

天啓其心人基之謀基教也音忌西京賦

畫一奇

畫一奇出一策

謀無遺譖

謀無遺譖舉不失策筭無遺策畫無失理譖思與反智也辨亡論

議論門

外庭末議

向者亦嘗廁下大夫之列陪奉外庭末議司馬遷書

仰首伸眉

仰首伸眉論列是非上

白馬碧雞

白馬之論碧雞之詞莊子

儀表門容止附

鼠子

魏文帝詔曰孫權前後詞旨頭尾擊地此鼠子自知不能保爾許地也

跬行

跬行妄步武跬舉足也謝宣遠詩

咫步

曷云途遼曾不咫步盧子諒詩

屏營

飛鴻不我顧佇立以屏營迴行貌石季倫詩

光塵

海錄碎事 卷八
翼事速訖旋侍光塵繁休伯晟

規行矩步

規行無曠迹矩步豈逮人 陸士衡

瓊樹枝

願一見顏色不異瓊樹枝

半天朱霞

劉訐與族兄敞各履高操族祖孝標曰訐超越俗如
半天朱霞敞矯矯出塵如雲中白鶴皆儉歲之良稷寒
年之纖纈也

雲中白鶴 見上

讜朗

讜朗英盼斐亶高談

星彩

仰窺星彩娘越天

肅拜

肅拜凡拜之輕者近乎揖 唐書音訓

荆楚仙人

宋龔祈辭不應辟命風姿端雅容止可觀中書郎范述
見之嘆曰此荆楚仙人 本傳

范長頭 見時號雜名門

風流宗

晉王濛美姿容與劉惔齊名時稱風流舉濛惔為宗焉

風塵表物

晉王戎自然是風塵表物

賀雅

梁賀琛每進見武帝與語移時故省中語曰上殿不下有賀雅容止閑雅故人呼之

霍亂禿梟

唐曲江令朱隨侯舉止輕脫張鷟目為霍亂禿梟僉載

冰稜

高談敬風鑒古貌怯冰稜段成式

高酋酋

壇宇寬帖帖符彩高酋酋杜牧之

符彩見上

精神淵著

桓秉稱高坐和尚精神淵著

文弱

陸士龍為人文弱可愛

神玉

司馬太傅府多名士一時儁異庾文康云見子嵩在其
中嘗自神玉

醉傀俄

山濤曰嵇叔夜之為人也巖巖若孤松之獨立其醉也
傀俄若玉山之將崩

爽朗清舉

嵇叔夜風姿特秀見者嘆曰蕭蕭肅肅爽朗清舉

朝霞舉

海西公時諸公每朝朝堂猶暗唯會稽王來軒軒如朝

霞舉

瓌姿偉態

瓌姿偉態不可勝讚神女賦

狀異常人

蔡邕謂從弟谷曰董卓性剛難濟吾且遁逃山中以待如何谷曰君狀異常人每行觀者盈集以此自匿不亦難乎乃止

風儀

風儀與秋月齊明音徽與春雲等潤

貌寢

王粲之荆州依劉表表以粲貌寢而體弱通悅不甚重也裴松之曰貌寢謂貌負實通悅者簡易也

崑下電

王戎神彩秀徹視日不眩裴楷目之曰爛爛如崑下電

風流門

醞籍

漢贊韋玄成孔光康衡張禹咸以儒宗居宰相位服儒衣冠傳先王語其醞籍可也顏師古云謂如醞釀及薦籍道其寬博重厚也

一槩風流

王謝子弟有一槩之風流陳蔡生徒須四科之選擇

雅流弘器

周顛於荆州敗績未得用王丞相與人書曰雅流弘器何可得遺

外司馬

王晞爲常山王司馬登山臨水以談醺爲事人謂之方外司馬

才望高雅

才望高雅非常流所及 陸景初

人物門

魏家玉

孫興目孔沉魏顛曰沉爲孔家金顛爲魏家玉

第一流

劉真長言會稽王故是第二流中人耳桓溫曰第一流復是誰劉曰正是我輩耳

映九泉

殷仲堪喪後桓玄問仲文曰卿家仲堪定是何似人曰雖不能休明一世足以映徹九泉仲堪仲文從弟

肉鴨

舊日韓康伯捋肘無風骨說林云韓康伯似肉鴨

器局

裴尼性弘雅有器局

識度

裴師仁好學有識度

幹略

裴鴻少恭謹有幹畧

一至

劉劭人物志曰一至謂之偏材偏材小雅之質也

懷文抱質

偉長獨懷文抱質恬淡寡與

人宗

北面人宗謂為人所敬任彥升序

英姿茂績

議者多非光武不以功臣任職至使英姿茂績委而不
用

蘭薰雪白

顏冉龍翰鳳雛曾史蘭薰雪白

癡傲門疎謬褊急附

長卿慢

雖好相如達不同長卿慢嵇康高士傳曰長卿慢世越

禮自放謝惠連詩

內機

張子闇內機單生蔽外象

無筭

眺實庸流行能無筭言不足數也

水淫

南史何恪之性好潔一日之中洗滌者十餘過人稱為

水淫

清狂

漢書張敞言昌邑王清狂不蘇林注云凡狂者陰陽脉
盡濁今此不狂似狂者故云清狂或曰色理清徐而心
不慧曰清狂猶云白癡也

白癡 見上

老革

彭義仕劉備左遷謂人曰老革荒謬注云猶言老兵也
狗意

石勒謂張賓曰王彌位重言卑恐其遂成前狗意也
長柄葫蘆

二陸初入洛詣劉道真初無他言唯問東吳有長柄葫蘆
卿得種來否陸殊失望

哀家梨

桓南郡每見人不快輒嗔云君得哀家梨當復不蒸食
不

愚癡膜

已決一切愚癡膜

木強人

漢書贊曰周昌木強人也

箕踞

郭解出人皆避有一人獨箕踞視之解問其姓名客欲
殺之解曰居邑之不見敬是我德不脩

傲不可長 出曲禮

酒囊飯袋

五代周行逢嘗言馬氏諸子恣縱奢僭文武之道未嘗
留意時人皆謂之酒囊飯袋 荆湘近事

謝宣明面

宋劉穆之孫瑀為益州刺史與顏峻書朱循三世為將

一旦在荊州作謝宣明面謂謝晦三十五歲爲荊州都督有自矜之色宣明晦字

間氣布衣

皮日休傲誕自號間氣布衣

璣言

才疎意廣

後漢孔文舉負其高氣志在靖難而才疎意廣迄今無成功

捧手不拜

穆紹見尔朱榮捧手不拜榮亦矯意禮之

尊身忽物

尊身忽物是已非人李冲表奏李彪罪狀云

握齷

握齷好荷礼初角反急促之貌荷與苛同

罵坐

灌夫罵坐不敬繫居室注居署名也屬少府後改曰保官

護前

宋武帝與沈約各數果事多少約少帝三事出謂人曰此公護前不讓卽羞死帝欲抵其罪徐勉固諫而止

直性狹中

嵇叔夜絕交書云吾直性狹中多所不堪

滑稽門

造化小兒

唐杜審言病且死宋之問武平一往問之審言曰甚被

造化小兒相苦其滑稽如此

強口馬

殷浩語孫盛曰卿莫作強口馬我當穿卿鼻孫曰卿不見決鼻牛我當穿卿頰

滑稽

滑稽則東方朔枚乘師古曰滑稽轉利之稱也滑亂也稽礙也言其變亂無礙也

邪呼逐除

曹景宗臘月使人作邪呼逐除徧往人家乞酒食以為戲

索長安米

東方朔云臣言不可用罷之無令但索長安米索盡也

先各反

一囊粟

臣朔長九尺餘亦奉一囊粟侏儒飽欲死臣朔飢欲死

口諧辭給

東方朔口諧辭給又自公卿在位朔皆敖弄無所屈

三日香

襄陽記劉季和性愛香常如廁還輒過香爐上主簿張旦曰人名公作俗人不虛也季和曰苟令君至人家坐席三日香旦曰醜婦效顰見者必走公欲集道去耶季和大笑

咽埴

有人見劉道真曰此少年甚咽埴道真問此言佳否道

真曰若佳言令汝翁啞墮母啞墮啞呼回反墮徒推反
小說

撒園菱

園菱卽胡菱世傳布種時口誦褻語則滋茂故士夫以
穢談爲撒園菱 出湘山集

詼諧取容

明節不可久安也故詼諧以取容

輕薄門

驚蛟蝶

見時號喻物門

齒冷

南史樂預傳曰此事人笑諸公至今齒冷無爲救也

山驢王

梁祖言於昭宗曰趙崇是輕薄團頭於鄂州坐上佯不
識駱駝呼爲山驢王遂阻三事之拜

輕薄團頭 見上

栗犢

西京雜記惠庄聞朱雲折五鹿充宗之角乃嘆曰栗犢
乃能爾耶

成佛在後

宋孟顛字子彥事佛精懇爲謝靈運所輕常曰小人生
天當在靈運前成佛當在靈運後

繫揖

以肩揖人曰繫音補講反輕脫之態也 玉堂閒話
沾沾自喜

魏其沾沾自喜耳多易難以爲相注沾沾輕薄也他廉反多易者多輕易之行也

銳氣躋容

銳氣剽於中葉躋容世於樂府躋綺驕反蜀都賦

謙讓門

奉有餘見上門

謙虛席

陸士龍輩以洪筆爲租米紙札爲良田玄默爲稼穡義理爲豐年談論爲英華忠恕爲寶珠文章錦繡蘊藻爲緇帛坐謙虛爲席薦張義讓爲帷幙行仁義爲室宇修道德爲廣宅出世說

終身讓路見叔姪門

細讓

存彼大方擯此細讓

勤惰門

一饋七起

鬻子曰禹嘗據一饋而七起劉子曰夏禹一饋七起周公一沐三握髮

人生在勤

左傳人生在勤勤則不匱文王猶勤况寡德乎

筋駑肉緩

嵇康性復疎懶筋駑肉緩又簡與禮相背懶與慢相成

勇力門

龍文鼎

秦武王有力與孟說舉龍文鼎絕臙而死臙頻刃切

批熊拉虎

批熊碎掌拉虎摧班七啓

輕諄

輕諄越悍輕諄捷也初梢反越丘昭切馬融賦

揖蛙

越絕書越王見怒蛙揖之勇士皆歸之以平吳

虎癡

魏許褚力如虎號虎癡馬超為虎侯

語音僮重

周鐵武語音僮重膂力絕人

鐵小兒

長孫承業諸子驍果號曰鐵小兒

三馬不勝

巨無霸長一丈大十圍輜車不能載三馬不能勝臥則

枕鼓以鐵筋食

豬突豨勇

王莽募天下囚徒人奴名曰豬突豨勇

引強

材官引強注能引強弓弩也音其兩反前漢

鼎士

全趙之時武力鼎士袷服叢臺之下一旦成市注扛鼎

之士也鄒陽書

意烏猝嗟

意烏猝嗟千人皆廢項王注意烏恚怒聲猝嗟嘆也猝
千忽反

奇材劍客

李陵自請曰臣所將屯邊者皆荆楚勇士奇材劍客也
力扼虎射命中願得自當一隊

鷓鴣悍狼矣

料其虓勇則鷓鴣悍狼矣

憤氣雲踊

憤氣雲踊如雲之踊也 孫子荆書

中黃伯

奮中黃育獲之才尸子中黃伯余左執太行之獲而右
搏彫虎

飲飛

呂氏春秋荆人飲飛涉江中流兩蛟繞其船飲飛拔劍
刺殺之

恐懼門

旌旌

楚詞曰旌旌旌而南征渠往反惶遽貌

創艾

漢書羌虜破散創艾亡逃出塞師古曰謂懲懼也創初
向反艾音义

咄喑

咄喑令心悲上下兀下子夜切大驚嘆聲 曹子建

蹋天踏地

海錄萃事 卷八十一
跼天躋地若無所容 陸士衡表

垂堂

千金之子坐不垂堂言懼墜瓦所傷 前漢

局影

局影凝嚴側身局禁言在近列而懷戒懼 李斯書

進退惟谷

劉琨上書云自守則稽聰之誅進討則勒襲其後進退

惟谷首尾狼狽

允豫

允豫不決注音淫 漢書

背芒增刺

背芒增刺心火潜然 李義山文

辟易

辟易上頻易切下音亦謂驚而改易其處 唐書音訓

重足一迹

石顯用事公卿畏之重足一迹注言恐懼不敢自寬縱

也前漢

震跼

遠近震跼

一夕九升

神一夕而九升 寡婦賦

側足

側足無行徑馬援曰隗囂側足無所立

命如絲

寸心若不亮微命察如絲 選詩

危葉畏風

危葉畏風驚禽易落 王元長策秀才文

禍福門

禍梯

李兌謂肥義曰奚不稱疾而傳政公子成毋為禍梯不亦可乎

害漸

利端始萌害漸亦牙 後漢蔡邕傳

慶弔相隨

蘇秦說齊王再拜仰而賀俯而弔齊王曰是何慶弔之相隨也

福過灾生

庾亮傳小人祿薄福過灾生

糾纏

禍之與福何異糾纏 賈誼傳

福不盈皆

福不盈皆禍溢於世皆齊細反 出班孟堅答賓戲

改過門 悔過附

吞刀刮腸

竺景秀以過繫作坊嘗云若許某自新必吞刀刮腸飲灰滌胃高帝釋之卒為忠信士

創艾

創艾謂懲懼也創初向反艾讀曰艾 西漢

遷思迴慮

遷思迴慮言改思也

閉閣思過

韓延壽為左馮翊民有兄弟訟延壽閉閣思過

憊由已致

憊由已致罪自身招李彪謝罪之言

迴車復路

迴朕車以復路方及行迷之未遠離騷

一朝科頭

管寧泛海舟欲覆乃曰吾嘗一朝科頭二晨宴起過皆在此風乃息小說

恭敬門

茅鷓

叔孫穆子食慶封慶封泛祭使工為之歌茅鷓亦不知茅鷓逸詩刺不敬也

泛祭見上

因偃為恭

因偃為恭出世說

三命益恭

正考父三命滋益恭左傳

戲謔門唯笑談諧附

鄱陽戲

文選鄱陽暴謔中酒而作何晏曰鄱陽惡戲難與為曹
獻嘲竦諷

南岳獻嘲北隴騰笑列壑羣譏攢峯竦誚北山移文

墻壁間物

桓崖有好李桓玄就求不能得佳者玄與殷仲文書以爲嗤笑曰德之休明則肅慎貢其楛矢其如不爾墻壁間物亦不可得也

諧喙

褚亮爲蘇世長贊曰軍諮諧喙超然辨悟蘇爲天策府軍諮祭酒十八學士之一

巾蓋杵

藝文類聚張敏頭責子羽文云或口如合膠飴或頭如巾蓋杵

一點紅

青州劉郭推官好諧謔嘗念詩云坐上若有一點紅斗筲之器飲千鐘坐上若無油木梳烹龍庖鳳都成虛迂齋詩話

蠟鳳

王僧虔年數歲與諸子戲僧達下地戲作虎僧虔獨正坐採燭蠟爲鳳父曇曰此子終爲長者

西川市令

東西二川互相輕薄西川人爲梓州爲我東門草市柳仲郢領東川節制謂叅佐曰吾立朝三十年始得與西川作市令出瑣言

麻姑送酒

李泌以虛誕自任嘗對客曰令家人速酒掃今夜洪崖

先生來有人遺美酒一榼會客至乃曰麻姑送酒與君同傾傾未畢曰者云某侍郎取酒榼泌命倒還略無作色

蒙惠也愚

唐有文學作別帑或遺以柴谷書云蒙惠也愚雜說

破蝨

破蝨者因官妓惡蝨坐客爭記蝨事戲之因纂成錄廣陵官下記

嗚喙

嗚喙終日上烏骨下巨畧笑戲也琴賦

二柳俱摧

柳機柳昂並為外職楊素為納言方用事上賜宴素戲

機曰二柳俱摧孤楊獨聳

柳條體弱

柳調為侍御史楊素戲之曰柳條通體弱獨搖不須風

陰險門 小人詐偽附

烏賊契

江東人取烏賊墨書契以給人財物書迹如淡墨逾年自消唯空紙耳

舞知

張湯舞知以御人

陽浮道

張湯收接天下名士大夫已心內雖不合然陽浮道與之注陽以道義為交也

孽名接脚

唐會要正元四年吏部奏艱難以來文集失墜人多用
冒吏或詐欺分見官者謂之孽名承已死者謂之接脚

因翼生羽

乘鸞之徒因翼生羽

劍戟森森

李義琛有當世才用而心凶險時人語曰劍戟森森李
義琛

詐善

張湛居室修整雖遇妻子如嚴君人謂湛詐善湛曰人
皆詐惡我獨詐善何傷乎

偏聽

偏聽生姦獨任成亂

九折坂

晉仲長敖覈性賦曰方寸地九折坂為人作險易俄頃
成屯蹇多謝悠悠子悟之不亦晚

梟東徙

說苑梟逢鳩曰我將東徙鳩曰何故梟曰鄉人惡我鳴
以故東徙鳩曰子能更鳴可也不能更鳴東徙猶惡子
之聲

鳥集交

管子與人交多詐偽無情實謂之鳥集之交

表合

表合謂外合同而中異 唐書章訓

腹中鱗甲

陳震謂李平腹中有鱗甲不可近

排根

竇嬰失勢亦欲倚灌夫引繩排根平生慕之而後棄者

口中荆棘

荆棘生於口中雌黃謬于舌杪

包藏禍心

左氏傳趙孟曰楚使子圉聘于鄭鄭使行人子羽與之言曰大國無乃包藏禍心以圖之

陰禍

陳平曰我多陰謀道家之所禁吾世即廢以吾多陰禍也其後曾孫陳掌以衛氏親戚貴願得續封然終不能

也

心本

郭解其陰著賊於心本發於睚眦注著直畧反心本猶言本心也

被以危法

石顯內深賊持詭辨以中傷人忤恨睚眦輒被以危法注被加也

乘險校會

乘險校會邀隙趨危 琴賦

讒謗門

貝錦詩

雖抱中孚文猶勞貝錦詩靈運自傷抱忠信之德而不

免於謗讒也

諛言

朱叔元書外信讒邪之諛言內聽嬌婦之失計

南戶窺郎

漢書廣川平王立昭信為后又有幸姬望卿為修嬖夫
人昭信譖之云傳粉數南戶窺郎吏疑有姦王遂殺之

蠅糞點玉

段成式云青蠅糞尤能敗物雖玉猶不免所謂蠅糞點
玉是也

飛書

飛書出梁松傳即今匿名書

萋菲牙角

朱敬則上言願去萋菲之牙角頓姦險之芒刃

鼠輩

鼠輩輕相間構曲生眉目

流言飛文

流言飛文誹於民間 三輔舊事

疾讒頌

石顯誣譖猛令自殺劉向傷之著疾讒頌

不直一錢

平生豎程不識不直一錢今日長者為壽乃效兒女曹

咕囁耳語 前漢

媒孽

全軀保妻子之臣隨而媒孽其短注媒猶教孽麩也謂

釀成其罪也齊人名麩餅曰媒司馬遷書

野葛

諸葛穎多謗毀時人謂之野葛

口語

橫被口語司馬遷書

談已非

辨士多毀訾不聞談已非

醜點

醜點難嬰仗劍為易醜點言被謗也

奇詆

奇詆巧毀之也唐書音訓

誦訾

誦訾明毀之也唐書音訓

積毀銷金

積毀銷金積讒銷骨西漢

外膳一肴

齊高賀告人曰公孫弘內廚五鼎外膳一肴弘嘆曰寧逢惡賓不逢故人

穢垂棘

青蠅不能穢垂棘邪論不能惑孔墨

臣子理謗

聽君父已沒臣子得為理謗廷尉鍾毓所創也魏志

情慾門淫亂附

寒熱媒

洞房清宮命曰寒熱之媒七發

伐性斧

皓齒蛾眉命曰伐性之斧七發

慧男子

伶玄云夫淫于色非慧男子不至也

酒阿郎

唐成德軍節度使王紹鼎淫荒暴亂時號酒阿郎宣宗實錄

載罪舟車

富貴淫麗是破骨之斧鋸載罪之舟車

伐命兵

榮華矜世為伐命之兵真誥

色聲鳩毒

牛頭融師曰色聲為先王之鳩毒愛想是至人之坑穽

忍欲

長莫長於博謀安莫安於忍欲

蠱媚

侍者蠱媚巾幘鮮明南都賦

年壯氣盛

年壯氣盛緒信所嬖阮元瑜書

哀箏順耳

哀箏順耳高談娛心魏文帝書

毀政

妖倖毀政之符外姻亂邦之迹范曄論

情塵

情塵為岳愛流成海

女德

耽淫內寵沈漫女德

報德門

素衿人

貞觀中黎景逸居空青山有鵲巢其庭每以餘飼之久甚馴熟後景逸出仕被誣下獄一日有鵲於獄屋氣樓中下視景逸喜噪久之已而聞赦又云赦將下有一玄衣素衿人先說乃悟其鵲朝野僉載

吞蛭

音質水虫也楚惠王食寒菹得蛭恐左右見則食監當

誅乃吞之令尹賀曰王有仁德天下所輔也是夜嘔而蛭出舊疾皆愈賈誼新書

斷蛇

孫叔敖為兒時見兩頭蛇恐後人復見必致禍乃斬之其母曰汝有陰德必有陽報

投金瀨

今潁陽江上伍胥嘗乞食遇婦人饋之後欲報恩求之不獲乃投其金於此瀨唐書音訓

背惠忘初

背惠忘初楚辭曰不敢忘初之厚德

報魚

所謂咸池酬於北里夜光報於魚目北里紂樂也

猶耳鳴

李士謙竭家財以賑貧乏或曰子多陰德答曰陰德猶耳鳴已獨聞之人無知者今吾所作吾子皆知何陰德之有

活千人

活千人者子孫必封吾所活者萬餘人後世其興乎前漢王翁孺傳

潤草塗原

自頂至踵功歸造化潤草塗原豈獲自己任昉

萬感恩

方干家貧告急於越帥劉公遺錢十萬絹五萬先生復書不能它辭唯言千感恩萬感恩

嫉怨門猜疑附

口語

晁錯文謂錯曰口語多怨公

昆弟語

衡山王賜過淮南淮南王安乃昆弟語除前隙

刺求微密

刺求微密更相眈伺毛萇過失無不暴陳西漢

缺望

上欲王盧綰為羣臣缺望注缺謂相缺也望怨望也音

除怨

凡禍亂之所生生於怨咎怨咎之所生在於非理故曰閑禍在除怨管子

首鼠

灌夫與長孺共禿翁何為首鼠兩端禿翁言無官位版授也

餘耳之隙

張耳陳餘為刎頸之交後有隙

人睚眦

未平人睚眦誰懼鬼揶揄李伸詩余嘗以人打揄為鬼揶揄對用劉禹錫事似勝此也

搖之筆端

如何吝嫉搖之筆端

報怨門

離隙雪冤附

三難

尸子曰龍門魚之難太行牛之難以德報怨人之難

落度

楊儀怨憤語費禕曰往者丞相亡歿之際吾若舉軍以就魏氏處世寧當落度如此耶

折齒

范睢摺脅折齒卒為應侯

鵠亭鬼

梧丘之魂不愧於沉首鵠亭之鬼無恨於灰骨注齊景田於梧丘夜夢五大夫稱無罪晏子曰先君靈公田五大夫驚獸皆殺之五首同穴公出而厚葬之交州刺史周敞宿鵠亭夜有婦人訴曰妾夫亡還鄉至此為亭長所殺埋竹之傍掘之果得其屍

李斯書

梧丘鬼見上

仇齒

至姦人仇齒以逞謂斲棺也唐書

鷓挽鈴

溫璋為京兆尹有鷓三挽鈴璋曰必訴冤也使人隨之
果有探雛者瑣言

天讎

邵陵王綸與湘東王書今大敵猶強天讎未雪謂侯景也

解劍拜仇

後漢許荆兄子世嘗殺人其仇操兵將殺世荆乃跪曰
今願殺我以代世死仇者曰許掾郡中稱賢君何敢相

侵遂解劍而去

寬恕門

杖不著

桓溫在荊州恥以威刑肅物令吏受杖正從朱衣上過
桓歆年少外來云向見令吏受杖上捐雲根下拂地足
譏其不著公曰我猶患其重

韜世量

任子咸者有韜世之量

多可少怪

足下傍通多可而少怪謂山濤也嵇康書

長才廣度

長才廣度無所不淹嵇康書

海錄碎事 卷八下
除苛解媯

除苛解媯寬大愛人注媯如紹反煩繞也 西漢

葦杖

南陽葦杖用劉寬蒲鞭事韓詩外傳曰老蒲爲葦也

海錄碎事卷第八上

海錄碎事卷第八下

朱 泉州太守葉廷珪 類集

明 河南僉憲劉 鳳 重校

仁義門

放麇

孟孫獵麇使秦巴持歸烹之其母隨而啼巴不忍生之
孟孫怒逐秦巴西居一年取爲子傳曰夫麇猶不忍况
人乎淮南子傳

親爲國寶

鄭伯請成陳侯不許五父諫曰親仁善鄰國之寶也 鮑

義薄輕羅

義薄輕羅恩輕毛羽 揚雄逐貧賦

禮門

綿蕞

叔孫通與弟子曰餘人共朝儀為綿蕞野外注謂以茅剪樹地為尊卑之次也春秋傳曰置茅絕蕞與蕝同並子悅反

過差

揚詩守禮終不過差

蟲質

譙子法訓云人而無禮者其獼猴乎雖人象而蟲質

規遊矩步

揚雄覈靈賦云天子規遊矩步

應規投矩

蘇子曰行務應規步慮投矩

禮法所繩

至為禮法之士所繩疾之如仇幸賴大將軍保之耳

康書

俗中人

裴令公曰阮籍方外人故不崇禮制我輩俗中人故執儀自居

智門

炙輠

淳于髡智如炙輠二者車之盛膏器也炙之膏流無窮言如髡之智也

智囊

海鏡錄卷之十一
晁錯爲太子家令以其辯得幸太子家號曰智囊

囊底智

慕容垂欲征慕容永曰吾計決矣且吾投老扣囊智足以尅之不復留逆賊以累子孫也晉書載記

智無雙

華陽國志曰任文公聞武擔石折曰噫方智者死吾其應之遂卒益部爲之謠曰任文公智無雙

釣距

趙廣漢善爲釣距以得事情釣距者設欲知馬價則先問狗已問羊又問牛然後及馬參伍其賈以類相準則知馬之貴賤不失實矣

信門

成言

初旣與余成言今後悔遜而有佗

黃金百

楚人諺曰得黃金百不如季布諾

已然諾

灌夫喜任俠已然諾已必也

一然諾

感激一然諾縱橫兩無疑

中孚爻

雖抱中孚爻猶勞具錦詩中孚卦九五爻有孚孳如孚信也謝靈運詩

微微重耳

區區晉國微微重耳欲用其民先示以信

一小快耳

桓公欲無與魯地而殺曹沫管仲曰夫初許之而倍信殺之愈一小快耳而棄信於諸侯不可

孝門

三足鳥

家語曾子至孝三足鳥棲其冠

白粲

晉何子平居會稽事母至孝辟揚州從事月俸得白米輒貨市粟麥人曰所利無幾何足為煩答曰尊老在東不辨得米何心獨饗白粲

孝著

馮唐以孝著為郎

七年粟

晉劉商夢人謂曰西籬下有粟寤而掘得之銘曰七年粟百石以賜孝子劉商自是食之七歲方盡

江巨孝

後漢江革鄉里稱之曰江巨孝

吳兒

晉夏統會稽人以母病詣洛市藥會三月上巳洛中王公以下並至車乘來者如雲統曝藥不之顧賈充與語曰此吳兒木人石心也

孝悌王

兗州曲阜人蘭公孝行有真人降其室自稱孝悌王云

日中為仙王月月中為明王斗中為孝悌王出十二真君傳
坐臥易處

杜延年為御史大夫居父官府不敢當舊位坐臥皆易其處父杜周

白鳩郎

會稽典錄徐憲在喪致哀白鳩巢戶側臨淮太守鄭弘舉為孝廉朝廷稱為白鳩郎

純孝里

潘絲吳興烏程人遇賊以死救父並免有司奏改其里為純孝里

淚冰如筋

蕭睿明母病下淚為冰如筋額上叩頭血亦冰不溜

旅松

沙弥晉司空冰六母孫母死所坐薦淚霑為之爛墓忽生旅松百許株有異常松

廢蓼莪

顧歡早孤讀詩至哀哀父母輒執書慟哭由是受業者廢蓼莪篇不講

生人棧

阮孝緒母病須得生人棧合藥舊傳鍾山所出孝緒躬歷幽險忽一鹿前行隨至一所得之

罷社

魏志王脩七歲社日母亡來歲鄰里社脩念母悲哀遂為之罷社

作孝

崔子約喪母哀毀骨立人云崔九作孝風吹即倒

直門質樸附

木強

周勃為人木強敦厚注木謂質樸強其兩反

椎少文

周勃其椎少文如此注謂樸鈍如椎也

直項

左將軍公孫祿司隸皆外有直項之名內實駸不曉政事

開東觥觥

開東觥觥郭子橫觥觥剛直貌子橫名憲後漢方術

使酒

灌夫為人剛直使酒不好面諛權貴士以此多歸之

心怍怍

心怍怍今諒直普萌切心不足貌

剛腸疾惡

剛腸疾惡此甚不可二也嵇康

高情勝氣

梁昭明太子謂陸倕高情勝氣賁然直上

游俠門

游俠兒

借問誰家子幽并游俠兒曹子建詩

漁食

陽翟輕俠趙季李欵以氣力漁食閭里

輕客

伯升素結輕客

武斷

豪黨之徒以武斷鄉曲注擅行威罰也丁喚反西漢

借客

朱雲少時通輕俠借客報仇注借助也

探圓為彈

永始元延間長安中姦猾浸多閭里少年羣輩殺吏受
賊報仇相與探圓為彈得赤圓者斫武吏得黑者斫文
吏白者主治喪

赤白圓見上

走馬長楸

周王褒游俠篇曰京洛出名謳豪俠競交游河南朝四
姓關西謁五侯闐鷄橫大道走馬出長楸桑陰從將夕
槐路轉淹留

俠魁

後漢游俠傳云閭里之俠原涉為魁

慕原常

西都賦鄉曲豪舉遊俠之雄節慕原常名亞春陵注四
公子也

豪舉見上

史記魏公子無忌曰平原之遊徒豪舉耳

名馳上國

海錄事 卷八下
楊縉俠客詩游俠英名馳上國人馬意氣俱相得

慶卿

荆軻衛人謂之慶卿燕人謂之荆卿

俠骨香

縱死俠骨香不慙世上英李白詩

扶風驚坐

梁元帝詩任俠有劉生然諾重西京扶風好驚坐長安

恒借名

熱鐵心

老俠詞一言感著熱鐵心為人劔下偷青娥施肩吾

俠骨

戴高京洛篇由來稱俠窟

否泰門 屯蹇附

恩充

塗泰命屯恩充報屈顏延年詩

百六

後漢贊百六有會前漢音義曰四千五百歲為一元一元之中有九厄陽厄五陰厄四陽為旱陰為水初入元百六歲有陽厄故云百六會

賣漿

六帖姜子牙賣漿值天涼屠牛販肉值天熱而肉敗

明玉

明玉黜于楚岫章甫窮于越人

賣漿販麥

賣漿販麥利輒失時鑄木鏤冰初無成日

鑄木鏤冰見上

數奇命薄

數奇命薄端相遭逢馮敬通訴妻姑出敬通集

言成否泰

言成否泰氣作温涼陸機七徵

命奇薄

何遭命之奇薄寡婦賦

運蒙則正

運蒙則正時屯必亨王弼曰蒙所利乃利正也

不偶世

中散不偶世嵇中散詩

潛穎

潛穎怨青陽陵茗哀素秋一生潛隱之處而日不照一生高陵之上而霜先被郭景純遊仙詩

害氣

害氣將究矣言厄運將盡也前漢

漢厄三七

路温舒從祖父受歷數天文以爲漢厄三七之間注二百一十歲也平帝崩二百十一年

李廣數奇

大將軍陰受上指以爲李廣數奇毋令當單于注奇不偶也數士角反奇居宜反

王略中否

王略中否國禍荐臻選

高潔門

惡木陰

渴不飲盜泉水熱不息惡木陰陸士衡詩

素辭

徐幹少無官情故仕多素辭

扶搖翰

思乘扶搖翰卓然陵風矯張綽

陵風翰

安得陵風翰聊恣山泉響謝玄暉

雙飛翰

思駕歸鴻羽比翼雙飛翰陸士衡

冥筮

一時排冥筮冷然空中賞注冥理筮迹也許詢詩

雲裝煙駕

雲裝信解蔽煙駕可辭金謝莊詩

飛遜

玄微子飛遜離俗

名穢

名穢我身位累我躬七啓

解形

漢書王昌傳解形河濱削迹趙魏注解形猶脫身也

滓穢日去

庾公問周伯仁君何所憂慘而忽瘦伯仁曰吾無所憂

直是清虛日來滓穢日其耳

俗籠

狂歌放飲渾成性知道逍遙出俗籠褚載詩

不好立名

直不疑學老子言其所臨為官如故惟恐人之知其為
吏迹也不好立名稱為長者

三公易介

柳下惠不以三公易其介

萬乘移心

謝安石萬乘不能移其心晉書

天外步

飄然天外步豈肯區中囚

挂檄

劉許有高節本州刺史張稷辟為主簿主者以檄召許
乃挂檄於樹而逃

適俗韻

陶潛詩少無適俗韻性本愛丘山

有道大夫

李恢字仲興漢桓靈間高尚不仕號有道大夫人

國爵屏貴

國爵屏貴家人忘貧

足染時

至人不嬰物餘風足染時選詩

鷺鳥不羣

鷺鳥不羣今自前世以固然離騷

伏清白

伏清白以死直固前聖之所厚同上

高鳳自穢

任彥升奏云高鳳自穢爭訟寡媿注高鳳南陽人太守連召請恐不得免有言本巫家不應為吏又詐為寡媿訟遂不仕也

芥千金

芥千金而不眴屣萬乘其如脫北山移文

豪邁門

酒濯足見酒門

人豪

於此時而不成封侯之業非人豪也西漢

五侯七貴

昔在長安醉花柳五侯七貴同杯酒李白詩

儻蕩不侷

史丹貌若儻蕩不侷然心甚謹注儻蕩疎誕無檢也

陳驚坐

時列侯有與遵同姓氏者每至人門曰陳孟公坐中莫不震動既而非因號其人曰陳驚坐見本傳

踏籍貴勢

踏籍貴勢陵轢卿相踏音臺

虹蜺絲

李白謁宰相封一板上題曰海上釣鰲客李白宰相問

曰先生臨滄海釣巨鰲以何物爲釣線白曰以風波逸
其情乾坤縱其志以虹蜺爲絲明月爲鈎又曰何物爲
餌曰以天下無氣義丈夫爲餌丞相悚然趙德麟侯鯖錄
湖海士

許汜曰陳元龍湖海之士豪氣未除陳登也

吞雲夢

秋田乎青丘彷徨乎海外吞雲夢者八九於胃中曾不
燕芥子虛賦

蕭杙

目三公以蕭杙注蕭然自放杙尔無名晉紀摠論

諂佞門

踰踰

踰踰諂夫諤諤黃髮目媚貌選

回面

回面汗行以事諂諛之人李斯書

姦臣態

德宗稱盧杞小心李泌曰小心乃姦臣之態

奴顏婢膝

奴顏婢膝真乞丐反與正直爲狂癡陸龜蒙詩

兩脚狐

唐書戴令言賦兩脚狐譏楊再思之佞

遊行

荀說曰世有三遊德之賊也一遊俠二遊說三遊行立
氣勢作威福結私交以立強于世者謂之遊俠飾辯辭

設詐謀馳逐於天下以要時勢者謂之遊說色取仁違
合時好連黨類立虛譽以為權利者謂之遊行

西第頌

馬融為梁異西第頌以此頗為正直所羞

狐蹲

鄭愔狐蹲貴介雉伏權門朝野僉載

虛美熏心

譽諛之聲日滿於耳虛美熏心實禍蔽塞 西漢

佞舌

佞舌咿啞陸龜蒙登高文

便佞舌

水鳥歌婦女衣襟便佞舌陸龜蒙

體佞

崔季舒曰崔退常忿吾佞及其自作體佞乃過於吾

佞哀詐泣

佞哀詐泣實非本懷楊休文言

邪干側入

邪干側入如恐不及言邪佞之人如此

啞咿嚅呢

啞咿嚅呢強言笑貌 嚅音儒呢音而出離騷

如脂如韋

如脂如韋言其柔弱也 上

發蒙

淮南王謀反憚黯曰黯好直諫守節死義至說公孫弘

海錄事 卷八下 十四
等如發蒙耳弘好阿諛黯嘗云齊人多詐

英雄門

蹶弛士

漢武詔馬或奔蹶而致千里士有負俗之累而立功名
泛駕之馬蹶弛之士亦御之而已音格式氏反

微風搖

崔岳謂劉曜曰四海脫有微風搖之者英雄之魁卿其
人矣晉書載記

一流人

劉尹道桓温鬢如灰蝟反眉如紫石稜自是孫仲謀司
馬宣之一流人

雄兒

鄧艾曰姜維自一時雄兒也與相植故窮耳

獅兒

曹操聞孫策定江東意甚難之常呼獅兒難與爭鋒也

膽薄

曹操曰袁紹之為人志大而智小色厲而膽薄

知己門賞鑒附

申於見知

古人申於見知言申於知己屈於不知己也羊祜表

下客食見食門

解左驂

越石父為人臣僕于中牟晏子解左驂贖之

貢公喜

王陽登則貢公喜

一顧千金

晉李充嘲友人詩云願爾降玉趾一顧重千金

有宰相器

何武為郡吏時事太守何壽知武有宰相器以其同姓故厚之

是我輩人

張緒少知名伯敷云是我輩

勲業門

光光

元勲盛德光光如彼國土嘉祚巍巍如此吳季重牋

功德百之

甘延壽陳湯之誅郅支比于貳師功德百之

遂古

勲超遂古往古也

補天柱地

業類補天功均柱地陸公佐銘

慙耻門

遼東豕

遼東有豕生子白頭異而獻之行至河東羣豕皆白懷慙而退楊惲書

汗下

申之再三赧然汗下吳季重牋

勝下

口故反股也韓信傳不能死出我胯下

面慙

面慙曰難公慙曰惡體慙曰遜尔雅

摧謝

奏事即遣湯摧謝注謂深自挫投也張湯傳

齊堂俎

三晉之強屈于齊堂之俎演連珠

忌才門嫉惡附

蘭當門

蜀志先主將誅劉裕諸葛亮請罪先主曰芳蘭當門不得

寧我負人

曹操避董卓難過故人呂伯奢不在夜聞其食器声以

為害已遂殺之既而悽愴曰寧我負人無使人負我

木秀于林

木秀于林風必摧之堆出于岸流必湍之運命論

人惡儁異

人惡儁異俗疵文雅

惡鷹眼

鷹化為鳩眾鳥猶惡其眼

禎祥門

山鵲印見印綬門

蟬集武冠

朱异初除中書郎有飛蟬止集武冠上時咸謂蟬珥之

金帶鉤

幽明錄長安張氏有鳩飛入懷探得金鉤帶自是子孫昌盛

一土三田

安帝時王傅穿井得銘曰一土三田軍門主簿後以億錢輸官乃得中壘校尉拾遺記

兩火為榮

李暉為國子直講求郡晨登講席諸生見暉巾上兩焰火起是日得榮州諸集拾遺

蝦蟆天使

李揆未相時忽有一大蝦蟆于寢室古之曰蝦蟆天使

也後果拜相宣室志

稱呼門

足下

異苑曰介子推逃祿抱樹燒死文公拊樹哀嗟伐而製屐每懷其功俯視其屐曰悲乎足下今人相斥呼曰足下疑始于此

下官

通典曰宋孝武帝多猜忌諸國吏人于本國君不得稱臣故稱下官本為王國避臣之稱今乃成通稱也

卿子冠軍

楚懷王用宋義為上將軍號卿子冠軍注卿子相褒尊之稱上將故言冠軍

郎子

郎子聰明方成偉器語人稱其子為郎子

先輩舊齒

先輩舊齒如言前輩也

下輩

灌夫稠人廣眾薦寵下輩

女曹兒

平生毀程不識不直一錢今日長者為壽乃效女曹兒
咕囁耳語猶言兒女輩也灌夫傳

丈人行

匈奴曰漢天子我丈人行也胡浪反前漢

大父行

斬單于大父行藉若侯產注祖父之行也西漢

太白老

崔成甫贈李十二曰天外常求太白老金陵捉得酒仙人

韓郎將

元載有別墅在昭應縣守墅者姓韓志其名邑人呼為
韓郎將縣尹以下謹事之一與齟齬即貶斥矣

仁德正號

孔融立鄭公鄉云昔太史公廷尉吳公謁者鄧公四皓
亦稱公是則公者仁德之正號不必三事大夫也

下走

辟書始下下走為首

郎君
外嘉郎君謙下之德 應休璉書

寓情門

在衣為領

願在衣而為領承華首之餘芳 定情賦

在裳為帶

在裳為帶束窈窕之纖身 定情賦

在髮

在髮為澤刷玄鬢以頽肩在眉為黛隨瞻眎以閑陽在
筦為席安弱體于三秋在絲為履附素足以周旋在畫
為影常依形而西東在夜為燭照玉容于兩楹在竹為
扇含婁飄于柔握在木為桐作膝上之鳴琴上

並根穗

古樂府合歡詩常願食共並根穗飲共連理盃衣同雙
絲綃寢共無縫綢

前定門 報應附

金銀榜

崔紹暴死復生云見冥間列榜備書人間姓名將相列
金榜其次列銀榜州縣小官並列長鐵榜諸集拾遺

般若臺

陳文達持誦金剛經有人入冥見築臺云此般若臺待
陳文達

鴿銜水

藍田山真悟寺高僧寫涅槃經羣鴿自空中銜水添硯

斷頭鬼

子蓋果于戮臨終見斷頭鬼為之厲隋史

朋友門

江淮四夔

廬江何長師趙郡李華范陽盧東美少與韓衢為友淮
泗間號為四夔撫言

交讓

陸惠曉與張融並居其間有池池上有二株楊柳何點
嘆曰此池便是醴泉此木便是交讓舊傳有交讓瀆因
張陸也

交到頭

掘井須到流結交須到頭賈島

山林友

唐書韋溫少所合惟喜蕭祐號山林友

少友

孔融謂太史慈曰卿吾之少友也

小友

唐書張九齡呼李泌為小友

清交素交

王僧達祭顏延年文云清交素友比景共波

耐久朋

唐魏元同與裴炎締交能保終始故號耐久朋

雲霞交

宋謝澹與范泰為雲霞之交

仙宗十友

唐司馬承禎與陳子昂盧藏用宋之問王適畢構李白孟浩然王維賀知章為仙宗十友出本傳

停雲

停雲思親友也樽湛新醪園列初榮願言不從歎息彌襟云尔陶詩

三益葳蕤

陸機常置酒云三益既葳蕤四始方蔥粲古樂府

同門學

鄭玄與傅嘉同門學相友善注同門謂同師也

四般契分

李摯與李敏同姓同歲同門同年登第摯詩曰因緣三

紀異契分四般同

升堂拜母

孫堅子策與瑜同年獨相友善瑜推道南大宅以舍策升堂拜母有無通共

重衿期

重衿期好游賞陽休之

酌酒賦

謝朓贈友人詩曰離居方歲月故人不在茲清風動簾夜孤月照窓時安得同攜手酌酒賦新詩

追計平生

昔聞長老追計平生同時親故凋落已盡嘆逝賦

暱交密友

懿親戚屬亡多存寡暱交密友亦不半在同前

一交情

結歡三十載生死一交情言死生如一也 任彥升詩

寶書

寶書為君掩瑤瑟詎能開言朋友不至無與掩翫故也

升堂見親

孔融年十餘歲盛憲以為異乃載而歸便結為兄弟升堂見親憲字孝章

照清襟

袁粲答王儉詩曰老夫亦何幸之子照清襟言如我心

同方等契

同方者以類附等契者以氣集 辨亡論

陶陶永夕

范張款款于下泉尹班陶陶于永夕尹敏與班彪友善每相見晝則至暝夜則達曙

組織仁義

組織仁義琢磨道德廣絕交論

素交盡

素交盡利交興上

把臂之英

把臂之英金蘭之交上

通財共計

趙儼避亂荊州與杜襲繁欽通財共計合為一家

賓客門

遲來客

登樓為誰思臨江遲來客謝靈運詩

殘客

賓客見何敬容有過詣續輒拒之曰吾不能對何敬容
殘客續姓張

熟客

蠟醞還因熟客開吳融詩

賓末

漢書法真曰以明府見待有禮故敢自同賓末

要賢驛

要賢驛已置留賓轄且投柳莊詩

親脩具

田生子請張卿臨親脩具謂父自脩供具也

投車轄

陳遵每大飲賓客滿堂輒闔門取客車轄投井中雖有
急終不得去

末至

相如末至注後至也文選雪賦

敬愛

公子敬愛客應德璉詩

下塵榻

賓至下塵榻憂來命綠樽沈休文詩

傾筐倒篋

王右軍郝夫人謂二弟司空中郎曰王家見二謝傾筐

倒篋見汝輩來平平耳汝可無煩復往

驅使草木

衛江州客至唯餉王不留行李弘範曰家舅刻薄乃復驅使草木

惡賓

公孫弘食故人高賀以脫粟覆以布被賀曰何用故人富貴為脫粟布被我自有的怒而去語人曰弘內厨五鼎外膳一肴其儉詐也弘聞之慚曰寧逢惡賓不逢故人

館客

北齊李幼廉常在文襄第內號為館客

坐談客

郭嘉曰劉表坐談客耳

噉名客

右軍指晉簡文頗語孫興公曰此噉名客簡文曰天下自有利齒兒世說

佳設

羊曼在丹陽客來早者得佳設

一肉

張禹弟子戴崇愷弟多智彭宣恭儉有節禹心愛崇而敬宣疎之崇每候禹置酒設樂入後堂婦女相對而宣之來也日宴賜食不過一肉卮酒相對見於便坐講論經義

置驛馬

鄭當時字莊爲太子舍人每五日洗浴常置驛馬長安諸郊請謝賓客夜以繼日至明旦常恐不徧

賓客益落

當時中廢賓客益落落散也

設雀羅

翟公爲廷尉賓客填門及廢門外可設雀羅

隱逸門徵聘附

白雲期

薛逢詩休指西岩數歸日知君已負白雲期

採山斧見文章門

蕭齋

竹煙杉籟滿蕭齋林逋秋懷詩

閑仙

人寰諸洞府應合署閑仙林逋詩

聘君

徐孺子墓傍有聘君亭出水經

徵君

徐稚黃憲姜肱皆號徵君

隱居

梁陶弘景止于句容山中自號華陽陶隱居人間書札以隱居代名

梅真

郭璞著客傲曰嚴平沉潛于蜀肆梅真隱淪于布衣

遁叟

唐陸希声自稱遁叟

烟波釣徒

唐張志和自稱

華陽真逸

唐顧况自號

七松處士

四明逸老 並見時號數稱門

羲皇上人

陶潜與子書曰夏月虛涼高臥北窓之下清風颯至自謂羲皇上人

山中宰相

梁陶弘景隱于句曲山國家每有大事無不前以諮詢

時號山中宰相

通隱

梁何點恣心所適時號通隱

竹溪六逸 見時號數稱門

塵事冥

閑居三十載遂與塵事冥 陶詩

休休休

休休休莫莫莫伎倆雖多性靈惡賴是長教閑處着此司空圖耐辱居士歌題于東北楹

輔唐山

大和先生王旻服餌得道請于高密牢山合鍊明皇許之改牢山為輔唐山俾旻居之 出紀聞談

負局先生

謂隱於磨鏡者列仙傳

桂樹隱

方從桂樹隱不羨桃花源李白詩

初衣

久辭榮祿遂初衣曾向長生說息機李白詩

騎白羊

君行既識伯禽子應駕小車騎白羊李白詩

銅官樂

我愛銅官樂千年未擬還銅官山在宣城李白詩

逃名客

遠訪投沙人因爲逃名客李白詩

滄洲逸

朝來果是滄洲逸沽酒提盤飯霜粟李白詩

一投釣

功成謝人間從此一投釣李白詩

元丹丘

元丹丘嵩山逸人也序云白久在廬霍元公近游嵩山
故交情深出處無間崑信頻及許爲主人欣然通會本
意欲舉家就之李白集

我鞅

莊疑祝曰天下有道我鞅子佩天下無道我負子戴注
云負戴言隱藏也

隱墻東

後漢王君公遭亂不仕隱墻東

淮陽老

漢有應曜隱于淮陽山中與四皓俱徵獨不至時人語曰商山四皓不如淮陽一老

傲吏

漆園有傲吏萊氏有逸妻注傲吏謂莊周郭景純詩

巢居子

昔在太平時亦有巢居子注堯時有隱人常以樹為巢而居其間時號曰巢父陸士衡詩

若遺金門步

若遺金門步見就此山岑謝元暉詩

事外

弱齡寄事外委懷在琴書謂事物之外陶詩

真想

真想初在襟誰謂形蹟拘淵明詩

微尚

伊予秉微尚拙訥謝浮名言持尚山水之小節陶詩

隱淪客

既往隱淪客亦棲肥遯賢謝靈運詩

上世人

請從上世人歸來執桑竹上世高上之人也顏延年詩

滄洲趣

既懽懷祿情復協滄洲趣謝元暉詩

求羊蹤

唯開蔣生逕永懷求羊蹤蔣詡隱於杜陵唯開三徑唯
故人求仲羊仲從之游謝靈運詩

箕濮情

搖蕩箕濮情謂許由莊周二徐幹詩

芙蓉裳

製芰荷以為衣集芙蓉以為裳離騷

反初服

願反初服從子而歸初服未隱居時服七啓

龍盤

嘉遯龍盤七命

截來轅

宜肩岫幌掩雲關截來轅于谷口杜妄轡于郊端北山

移文

雲關見上

憂甚大

四皓歌曰駟馬高蓋其憂甚大

益我貨

益我貨者損我神生我名者殺我身嚴君平

居士屨

蜀隱士朱桃稚以躡置路隅人識之曰此朱居士屨也
以米易去

端居室

李泌得請於衡嶽隱居詔即所居營端居室

買山錢

海錄碎事 卷六
唐符載遣書乞買山錢于于頔

靜君

林逋山中招葉秀才詩所憂他日榮登後難得幽棲事
靜君

白雲記

司馬承禎苦辭還山勅賜寶琴花帳遣之工部侍郎李
適賦詩朝士咸屬和散騎常侍徐彥伯撮其美者二十
一首為製序名為白雲記

南燭草

唐高宗幸嵩山至逍遙谷見室中大瓠問潘師正字子
真荅曰中有青飢昔西城王君以南燭草為之服食得
道上乃命道士葉法善往江東造青飢飯

隱淪諾

且欣登眺美頗愜隱淪諾李白

十賚

陸龜蒙他年欲事先生去十賚須加陸逸冲注逸冲常
事隱居錫名栖靜處士十賚猶人間九錫也

鶴糧

園蔬預遣分僧料廩粟先教筭鶴糧皮日休詩

琴歌酒賦

皆逸人之事

塵纓

解蘭縛塵纓

攢峯

海錄碎事 卷八下
攢峯竦峭列壑爭譏

蟬蛻踞埃

逸民論蟬蛻踞埃之中自致寰區之外

俗士駕

請迴俗士駕

逋客

爲君謝逋客已上並北山移文

傲世忘榮

傲世忘榮體辛好異逸羣公子味賦

塵外鑣

昔聞汾水游今見塵外鑣謝惠連詩

塵外軫

肅此塵外軫殷仲文詩

反招隱

王康琚有反招隱詩言混俗自足以免患何必山林

松柏隱

友學松柏隱寧恋市井名謝玄暉

寥廓高翔

寥廓已高翔謝玄暉詩

地自偏

心遠地自偏陶詩

東軒

嘯傲東軒下聊復得此生陶詩

白雲隈

採藥白雲隈

薜荔帷

罔薜荔以為帷

荷衣蕙帶

荷衣兮蕙帶離騷

飛遯

飛遯離俗七啓

名穢我身

名穢我身位累我躬七啓

窮奧

絕景乎大荒之遐阻吞響乎幽山之窮奧七命

隱簾肆

隱於簾肆之間臥於岩石之下李斯書

驕君餌

班嗣曰不結聖人之網不顛驕君之餌

折芟燔枯

折芟燔枯此焉自足任彥升表

以蒲薦肉

後漢鄭敬字次都釣魚大澤折芟而坐以蒲薦肉瓠瓢盈酒琴書自樂

沉釣緡

沉釣緡于丹水秉耒耜于山陽

談空空

談空空于釋都覈玄玄于道流

鶴頭書

鶴頭書古者用之以招隱士漢謂尺一簡

勒移

馳煙驛路勒移山庭

學道東魯

學道東魯習隱南郭

鳳吹薪歌

聞鳳吹于洛浦值薪歌于延瀨

竊吹草堂

竊吹草堂濫巾北岳

風雲帶憤

風雲淒其帶憤石泉咽而下愴

高霞孤映

高霞孤映明月獨舉

蕙帳空

蕙帳空今夜鶴怨山人去今曉猿驚

南岳獻嘲

南岳獻嘲北隴騰笑

秋桂遺風

秋桂遺風春羅擺月已上並北山移文

寄傲

倚南窓以寄傲審容膝之易安歸去來辭

穎陽高

堯稱則天不屈穎陽之高

垢俗疵物

或垢俗以動其槩或疵物以激其清言遺逸如此

親魚鳥

親魚鳥樂林草

裂冠毀冕

裂冠毀冕相携而去之

賁徵

旌車輪之所賁徵已上並出范蔚宗論

胎化鶴

李德裕詩序云近于伊川卜山居便求青田胎化鶴

蹈鴻涯

蹈鴻涯之遐迹紹巢許之絕軌鴻涯仙人也蔡伯喈碑

翔區外

翔區外以舒翼超天衢而高峙上

飾巾待期

先生曰絕望已久飾巾待期而已上

白雲堆

李九齡山舍書事白雲堆裏人來少紅葉林中日入斜

斷年

斷年不出僧嫌癖逐日無機鶴伴閑韓偓詩

一崦山

終撐舴艋稱漁叟賒買湖心一崦山上

不售錢

皮日休樊榭詩欲買重樓隱雲峯不售錢

鹿皮翁

鹿皮翁淄川人爲少府小史隱岑山得仙時賣藥于齊市

松菊主人

唐韋表微爲監察御史不樂曰吾年五十拭鏡剪白眉游少年間取一班一級未有其味也願爲松菊主人不愧淵明云

事簡茶香

事簡茶香庭閑酒聖四六集

歲計溪光

歲計溪光年勞山色四六集

鹿門隱士

皮日休爲鹿門隱士書六十篇

何氏三高

何子有子哲子香俱隱遁子季先在若耶山晚還吳居虎丘寺號何氏三高亦曰東山兄弟焉

猿藏熊緣

段成式谷隱書事云隨樵劫猿藏隈石覩熊緣

辨百萬資

却超每聞欲高尚願退者輒爲辨百萬資并爲造立居宅在剡爲戴安道起宅甚精整

賣蔗若

朱百年入會稽山伐蔗若爲業以蔗若置道上人知爲朱隱士所賣隨所直留之錢

滅景雲樓

褚伯玉滅景雲樓抗高木食

木食見上

白雲游

褚先從白雲游舊矣褚伯玉也

朋松石

唯朋松石介于孤峯絕嶺褚伯玉

山谷臣

顧歡被齊高帝徵既至稱山谷臣

鹿皮巾

梁武帝賜陶隱居鹿皮巾

石戶農

高士傳石戶之農與舜為友以天下讓之不受

買印山

世說支道林因人就深公買印山公曰未聞巢由買山而隱

蘭社逕

欲識幽人蘭社逕山窓芳桂復叢生庾信

芝臺乳管

圃暖芝臺秀岩春乳管圓陸龜蒙

白雲封

陳搏詩臺殿不將金鎖閉來時自有白雲封

黃冠草服

詩黃衣黃冠注野夫黃冠黃冠草服也

翹車

俊義之藪希蒙翹車之招金碧之岩必辱鳳舉之使

鑿坏以遁

文選詩注魯君聞顏闔賢將聘之闔鑿坏以遁坏垣也

海錄碎事卷第八下



